


ЙЎДВОШТ
КУМАЛМАШ
ДА ШАГАТ-ВЛАК



Руш Православный Черке
Йошкар-Оласе да Марий Элысе епархий
Кусарыше комиссий



**ЙӱДВОШТ КУМАЛМАШ
ДА ШАГАТ-ВЛАК**

Йошкар-Ола
2015

Йошкар-Оласе да Марий Элысе
Высокопреосвященнейший архиепископ ИОАННЫН
благословитлымыже почеш



ЙҮДВОШТ КУМАЛМАШ.

КАСТЕНЕ КУГУ КУМАЛМАШ

Диакон: Кынелза! Господь Юмо, порылан пүрө!

Иерей: Илышым пүрышө, Ойырлыдымо да Иктак улшо Святой Троицылан чап лийже эре, кызытат, керек-кунамат, курым-курым мучкак.

Хор: Аминь.

Священник алтарьыште каласа:

Толза, мемнан Ашныше Юмылан кумалына.

Толза, мемнан Ашныше Христос Юмылан суken кумалына.

Толза, мемнан Ашныше Христос Юмылан Шкаланжак суken кумалына.

Толза, Шкаланжак суken кумалына.

103-шо псалом

Эй, чонем, Юмым мокто! (Юмо, Тый моктымо улат.) Эй Господь, мыйын Юмем! Тый öрыктарышын кугу улат, (Юмо, Тый моктымо

улат.) Тый чап ден сылнылыкым чиенат. Тый волгыдым вургем гае үмбакет чиет, кавам коваште леведыш гае шарет, Шке күшнысö вершамычетым вүд дене леведат, пыл-шамычым Шканет орва олмеш ыштет, мардеж шулдыр үмбалне коштат. Суксо-шамычетым шүлышым ыштет, а Шке кулет-шамычым – тул йолкыным. Тый мландым пентгыде негызеш шынденат: тудо курым гыч курымышко ок тайналт. Вургем гае тудын леведышыже – пундашдыме келгыт. Курык үмбалнат шуко вүд погына: **(Юмо, Тыйын пашат-шамыч öрыктарыше улыт.)** Тыйын шүдымет дене вүд йоген кая, күдыртымö йүкет деч лүдеш. Курык семын нөлталтыт да төр вер семын лапемыт, Тыйын күштымö верешак кодыт. Тый нунылан чекым ыштенат, нуно тушечын вончен огыт керт да мланде үмбалым леведаш огыт пörтыл. Тый памаш-шамычым лап верышке виктарет: **курык коклаште вүд йога**, Тудо пасу янлык-шамычым чылаштымат йүкта, ир осел-шамыч, тушечын йуын, шерыштым темат. Вүд воктене кавасе кайык-шамыч илат, курык сер кокла гыч йүкым пуат. Тый күшнысö верет гыч курык-шамычым йүктет: Тыйын паша саскат дене мланде темеш. Мланде гыч кочкышым лукташ манын, Тый вольыклан шудым да ен-шамычлан пайда-

ланаш пырчан кушкылым куштет. Чурийже үй дене шүрымө гае йылгыжше манын, йошкар арака енын шүмжым йывыртыкта. Кинде тудын шүмжым пенгыдемда. Тыйын шындыме пасусо пушенге да Ливанысе кедр-шамыч темыт, Нунын үмбалне кайык-шамыч пыжашым оптат: аистын пыжашыже нуным вуйлата. Күкшө курык – пүчө-шамычлан, кү курык – меран-шамыч аралалтме вер. Жапым палаш Тый тылзым пүренат, кече шке шичме вержым пала. Тый пычкемышым колтет, да йүд лиеш, тунам чодырасе чыла янлык лектын коштеш, Самырык лев-шамыч, кочкишым муаш шонен, Юмо деч йодын ырлат. Кече лекмеке, погынен, шке пыжашышкышт пурен возыт. Ен шке пашашкыже лектеш да кас марте шке сомылжым шукта. Эй Юмо, пашат-шамыч могай кугу улыт! **Тый чылажымат кугу уш-акыл дене пүренат.** Тыйын пүрымет-шамыч дене мланде темын. Теве кугу да кумда теныз: тушто шотлен пытарыдыме нушкын коштшо, кугу да изи янлык-шамыч улыт. Тушто корабль-шамыч ийын коштыт да кишке, кудын чапшым волташ манын, Тый тудым пүренат. Шке жапыште кочкишым пуэт манын, чыланат Тый дечет вучен илат: Тый нунылан пуэт гын, налыт; кидетым почат гын, чыланат порылык дене темыт. Чуриетым савырет гын, öрыт; шүлышыштым на-

лат гын, йомыт да шке мландышкышт пörтылыт. Шке Шүлышетым колтет, да ышталтыт, да мландын чурийжым уэмдет. Юмын чапше тек курымеш лийже! Юмо Шке пашажлан йывырта: Тудо мландыш ончалеш гын, мландым чытырыкта; курык-шамыч дек тўкна гын, нуно шикшаш тўнгалыт. Илыме курымыштем Юмылан мурем, илымем годым Юмым чапшем. Кумалме мутем тек Тудлан ямле лийже, мыйже Юмылан куанем. Языканышамыч мланде ўмбалне пытышт ыле, да закон деч посна илыше-шамыч йылтак ынышт лий ыле! Эй, чонем, Юмым мокто. **(Чылажымат пўрышо Юмо, чап Тыланет.)**

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Аллилуиа, аллилуиа, аллилуиа, тау Тыланет, Юмо. *(3 гана)*

Священник светильничный молитва-шамычым шып лудеш.

Кугу ектений

Диакон: Тынысын Юмылан кумалына.

Хор: Юмо, серлаге. *(Кажне йодмаш почеш)*

Кўшычын тынысым колтыжо да мемнан чоннам утарыже манын, Юмылан кумалына.

Чыла калыкын тыныслыкше верч, Юмын святой Черкылаже порын илышт да чылан иктеш ушнышт манын, Юмылан кумалына.

Тиде святой храм верч да Юмылан инанен, порым шонен, Юмо деч лүдын тушко пурьшо-шамыч верч Юмылан кумалына.

Мемнан кугу Господинна да Ачана, Святейший Патриарх Кирилл ден мемнан Господинна, Высокопреосвященнейший архиепископ Иоанн верч да поро священник ден диакон-шамыч верч, черкыште ыштыше чыла ег да уло калык верч Юмылан кумалына.

Юмо аралыме шочмо элна верч, тудын чыла вуйлатышыже да элнам аралыше-влак верч Юмылан кумалына.

Тиде ола верч (*тиде ял верч; але: тиде монастырь верч*), чыла ола, эл да тушто Юмылан үшанен илыше-влак верч кумалына.

Чылалан пайдале юж лийже, мланде үмбалне чыла умен шочшо да тыныс лийже манын, Юмылан кумалына.

Вүдыштö да корныш коштшо-шамыч верч, орлык ден сусырым чытыше да пленыш логалше-влак верч, чылаштымат утарыже манын, Юмылан кумалына.

Түрлö ойго, шыде да нужналык деч мемнам утарыже манын, Юмылан кумалына.

Юмо, Шке порылыкет дене мемнам чамане, утаре, серлаге да арале.

Эн Святой, Эн Яндар, Порылан пүралтше, мок-тымo Владычицым, мемнан Юмым Шочыктышым, эреак Ёдыр улшо Мариям, чыла святой-влак дене шарналтен, шкенам, лишыл-влакым да чыла илышнам Христос Юмын кидышкыже пуэна.

Хор: Тыланет, Юмо.

Иерей: Тыланет, Ачалан, Эргылан, Святой Шүлышлан, чап, пагалымаш да кумалмаш лийже, кызытат, керек-кунамат, курым-курым мучкак.

Хор: Аминь.

Блажен муж

... (1-ше кафисмын 1-ше антифонжо)

Хор: Поро пиалан лиеш пужлышо-шамычын канашыш мийыдыме ен. Аллилуиа, аллилуиа, аллилуиа.

Вет языкдыме-шамычын корныштым Юмо пала, а пужлышо-шамычын корнышт укешке лектеш. Аллилуиа, аллилуиа, аллилуиа.

Господьлан лүдын ыштыза да Тудлан чон пырткен йывыртыза. Аллилуиа, аллилуиа, аллилуиа.

Тудлан ўшаныше-шамыч чыланат поро пиалан улыт. Аллилуиа, аллилуиа, аллилуиа.

Господь, ылыж кынет! Мыйын Юмем, мыйым утаре! Аллилуиа, аллилуиа, аллилуиа.

Утаралтмаш Господь деч, да Тыйын порылыкет Тыйын калыкет үмбалне. Аллилуиа, аллилуиа, аллилуиа.

Тау Ачалан, Эргылан, Святой Шүлышлан. Аллилуиа, аллилуиа, аллилуиа.

Кызытат, керек-кунамат, курым-курым мучкак. Аминь. Аллилуиа, аллилуиа, аллилуиа.

Аллилуиа, аллилуиа, аллилуиа, тау Тыланет, Юмо. *(3 гана)*

Изи ектений

Диакон: Угычын, угычын тынысын Юмылан кумалына.

Хор: Юмо, серлаге.

Юмо, Шке порылыкет дене мемнам чамане, утаре, серлаге да арале.

Хор: Юмо, серлаге.

Диакон: Эн Святой, Эн Яндар, Порылан пүралтше, моктымо Владычицым, мемнан Юмым Шочыктышым, эреак Ёдыр улшо Мариям, чыла святой-влак дене шарналтен, шкенам, лишыл-влакым да чыла илышнам Христос Юмын кидышкыже пуэна.

Хор: Тыланет, Юмо.

Иерей: Тыйын вет кучен ашнымашет, Кугыжанышет, куатет, кугу чапет, Ачан, Эргын, Святой Шүлышын, кызытат, керек-кунамат, курым-курым мучкак.

Хор: Аминь.

Господи, возвах

1-ше лик: Эй Юмо, Тыйым сөрвалышым, мыйым кол; Юмо, мыйым кол. Эй Юмо, Тыйым сөрвалышым, мыйым кол; Тыйым сөрвалышем годым кумалме йүкем колышт. Юмо, мыйым кол.

2-шо лик: Мыйын кумалмем ладан пуш гае Тыйын ончыкет шужо ыле, кидем нөлталын кумалмем кастене пуымо надыр гае лийже ыле. Юмо, мыйым кол.

Эй Юмо, умшамлан аралтышым пыште ...
(140 пс., 141 пс. 7 стихшым лудыт але мурат)

Давидын псаломжо, 140.

Эй Юмо, Тыйым сөрвалышым, мыйым кол: Тыйым сөрвалышем годым кумалме йүкем колышт.

Мыйын кумалмем ладан пуш гае Тыйын ончыкет шужо ыле, кидем нөлталын кумалмем кастене пуымо надыр гае лийже ыле.

Эй Юмо, умшамлан аралтышым пыште да умшам оролаш омсам ыште.

Языкем-шамычын титакыштым иземдышаш
верч, закондымылык ыштыше ең-шамыч гай
шояк мут-шамычым ойлышташ шүмемлан эры-
кым ит пу; нунын ойырен налме-шамычышт де-
нат ом ушно ыле.

Юмылан йöрышö ең мыланем порылык дене
туныктен ойлыжо, мыйым вожылтарыже, язы-
кан енын үйжö вуешем шүрымö ынже лий; ку-
малмашемат нунын йодмышт семын ынже лий
ыле.

Нунын төрашт-шамыч кў ора лишне йомы-
ныт, мыйын мутем-шамычым колыныт, вет нуно
куатле улыт.

Пешкыде рок, шелын, мланде үмбалне шала-
ныме гае, нунын луыштат тамык лишне шала-
нен пытеныт.

Давидын псаломжо, 141.

Йүкем дене Юмым сөрвалышым, йүкем дене
Юмылан кумальым.

Тудын ончылно шортын сөрвалем, Тудын он-
чылно ойгем каласем.

Шүлышем йомшаш гай лийме годымат Тый
корнем-шамычым пален шогышыч; Мыйын кош-
тмо тиде корнешем мылам вапшым шолып шын-
деныт.

Пурла могырышко ончальым да ужым: мый-

ым палышат уке; куржшаш корнем йомо, чонем верчын ойгырышат уке.

Эй Юмо, Тылат кумалын каласышым: Тый мыйын ўшанымашем улат, илыше-шамычын мландыште Тый мыйын ужашем улат.

Кумалмем колышт, мый пеш ўнышемым; мыйым поктылшо-шамыч деч мыйым утаре, вет нуно мый дечем виян лийыныт.

10 стихлан (стихирлан): Пычкемыш вер гыч чонем лук, Тыйын лўметым чапландарем ыле.

Чын ыштыше-шамыч мылам пўртылтыметым вучат.

8-лан: Эй Юмо, уло шўм-чон келгыт гыч Тыйым сўрвалышым, эй Юмо, йўкем кол.

Кумалме йўкем пылышет тек колжо.

6-лан: Тый енын законде илымыжым ончет гын, Юмо, эй Юмо, Тыйын ончылнет кў шоген сена? Вет эрнымаш Тый дечет гына.

Эй Юмо, Тыйын лўмет верч Тылат ўшанышым, чонем Тыйын мутетлан ўшаныш, чонем Юмылан ўшаныш.

4-лан: Эрдене оролымо шагат гыч йўд марте, эрдене оролымо шагат гыч Израиль Юмылан ўшаныже.

Вет чаманымаш Юмо деч да кугу утарымашат Тудын деч. Да Тудо Израильым чыла закондымылыкшо деч утара.

Эй, калык-шамыч, чыланат Юмым моктыза,
эй, ең-шамыч, чыланат Тудым моктыза.

Вет Тудын чаманымашыже эре мемнан үм-
балне, да Юмын чынже курымеш ила.

Тау Ачалан, Эргылан, Святой Шүлышлан.

Кызытат, керек-кунамат, курым-курым муч-
как. Аминь.

Догматик але стихира.

Кадило дене пурымаш

Диакон: Владыко, святой пурымашым суап-
ландаре.

Иерей: Тыйын святой-шамычетын пурыма-
шышт суапландарыме, кызытат, керек-кунамат,
курым-курым мучкак.

Диакон: Кугу уш-акыл! Түткө лийына.

Свете Тихий

Хор: Пылпомышто улшо Колыдымо Святой
да поро пиалан Ачан святой чапше гыч лекше
тыныс волгыдыжо, Иисус Христос! Кече шичме
жап марте илен шумеке, кас волгыдым ужын,
Юмым, Ачам, Эргым, Святой Шүлышым, мок-
тен мурена. Юмын Эргыже, керек-кунамат Тый-
ым святой-шамычетын йүкышт дене йывыртен

мокташ күлеш, Тый илышым пуэт, да тидлан
верч уло тўня Тыйым мокта.

Диакон: Колыштын шогена.

Иерей: Чылалан тыныс лийже.

Диакон: Кугу уш-акыл. Прокимен, ...

Кечывал (кас) прокимен-влак, стих дене

Шуматкечын, 6-шо сем:

Господь Кугыжа лие, моторлык дене вўды-
лалте.

Хор: Господь Кугыжа лие, моторлык дене
вўдылалте.

1-ше стих: Господь куат дене вўдылалте да
кыдалешыже ўштале.

Хор: Господь Кугыжа лие, моторлык дене
вўдылалте. (*Кажне стих почеш*)

2-шо стих: Вет Тудо тўням пенгыдемден да
тарваташ лийдымым ыштен.

3-шо стих: Эй Юмо, Тыйын пўртетлан чыла
кечынат святой лийман.

Диакон: Господь Кугыжа лие.

Хор: Моторлык дене вўдылалте.

Рушарнян, 8-ше сем:

Теве ынде Юмын чыла кулжо, Господьым ча-
пландарыза.

Стих: Юмын черкыште, мемнан Юмынан кудывечылаштыже шогышо-влак.

Шочмын, 4-ше сем:

Юмо сөрвален үжмем годым мыйым колеш.

Стих: Мыйым чынышке лукшо Юмо кумалмем годым мыйым кольо.

Кушкыжмын, 1-ше сем:

Тыйын порылыкет илыме курымемын чыла кечыштыжат мыйын пеленем.

Стих: Юмо мыйым күтен ашна, да мыйын нимоланат ситыдымаш ок лий. Мыйым шудо шочман вереш шындыш.

Вүргечын, 5-ше сем:

Эй Юмо, Шке лүмет верчын мыйым утаре да Шке куатет дене мыйым судитле.

Стих: Эй Юмо, мыйын кумалмем кол, каласыме мут-шамычем колышт.

Изарнян, 6-шо сем:

Мыланем полыш пылпомышым да мландым пүрышö Юмо деч.

Стих: Шинчам курык мogyрыш нөлтальым, мылам полыш тушечын толеш.

Кугарнян, 7-ше сем:

Эй Юмо, мыйын аралышем Тый улат, да мыйын Юмем Шке чаманымашыж дене мый декем вашка.

Стих: Эй Юмо, мыйым тушманем-шамыч деч арален нал да ваштареш шогышо-шамыч деч мыйым утаре.

*Уло гын, паремий-влак.***Чот сөрвалыме ектений**

Диакон: Чылан уло чонна да чыла шонымашна дене сөрвален кумалына.

Хор: Юмо, серлаге.

Диакон: Чыла Кучен Ашныше Господь, мемнан ачана-шамычын Юмыжо, ме Тыланет кумалына, мемнам колышт да серлаге.

Хор: Юмо, серлаге.

Диакон: Юмо, кугу чаманымашет дене серлаге, Тыйым сөрвалена, мемнам колышт да серлаге.

Хор: Юмо, серлаге. Юмо, серлаге. Юмо, серлаге. *(Кажне йодмаш почеш.)*

Эше мемнан Кугу Господинна да Ачана – Святейший Патриарх Кирилл ден мемнан Господинна – Высокопреосвященнейший архиепископ Иоанн верч да Юмылан ўшаныше чыла иза-шольо верч кумалына.

Юмо аралыме шочмо элна верч, тудын чыла вуйлатышыже да элнам аралыше-влак верч йодына да тынысын, яндар да поро койыш-шоктыш дене илышнам эртарена.

Адак кумалына тиде святой черкым (*але: тиде святой монастырьым*) чонгышо поро пиалан да курым-курумак шарныме ен-влак верч, ондак колышо ача-кочана ден иза-шольына-влак верч, тыште да моло верлаште тойымо православный чыла ен верч.

Тыгак тиде святой черкыш кумалаш коштшо иза-шольо-влак верч йодына. Юмо чылаштым чаманыже, поро илышым, тыныслыкым, тазалыкым, утаралтмашым, Шке левед ашнымыжым да сулык касарымашым пуыжо.

Тыгак тиде святой черкыште саскам кондышо да порым ыштыше, пашаште тыршыше, мурышо, кумал шогышо да Тый дечет кугу чаманымашым вучышо-влак верч йодына.

Иерей: Тый вет Айдемым йöратыше да поро кумылан Юмо улат, да Тыланет таум ыштена, Ачалан, Эргылан, Святой Шүлышлан, кызытат, керек-кунамат, курым-курум мучкак.

Хор: Аминь.

Сподоби, Господи

Эй Юмо, тиде касым сулык деч посна илен лекташ полшо. Господь, мемнан ачана-шамычын Юмыжо, Тый моктымо улат, Тыйын лүмет курымеш моктымо да чапландарыме. Аминь.

Эй Юмо, Тыланет үшанен илымына семынак, мыланна Тыйын чаманымашет лийже ыле. Юмо, Тый моктымо улат, Тыйын ончылнет чыныш лекшашлан мыйым туныкто. Чыла Кучен Ашныше, Тый моктымо улат, Шкендын төр законетлан мыйым туныкто. Святой, Тый моктымо улат, Тыйын ончылнет чыныш лекмаш дене мыйым волгалтаре.

Эй Юмо, Тыйын чаманымашет курымеш, Шке кидет пүрымө-шамычым йөрдимылан ит шотло. Тыйым мокташ күлеш, Тыланет мураш күлеш, Тыйым чаплаш күлеш, Ачам, Эргым, Святой Шүлышым, кызытат, керек-кунамат, курым-курым мучкак. Аминь.

Сөрвалыме ектений

Диакон: Господьлан кастен кумалмынам тичмашыш шуктена.

Хор: Юмо, серлаге.

Диакон: Эй Юмо, Шке кугу порылыкет дене мемнам чамане, утаре, серлаге да арале.

Тачысе касым пеш сайын, яндарын, тынысын да сулык деч посна илен лекташ Юмо деч йодына.

Хор: Юмо, мыланна пу. (*Кажне йодмаш по-чеш*)

Диакон: Чонна ден капнам аралыше да ўшанле туньктышым, тынысле суксым, Юмо деч йодына.

Мемнан сулыкнам касараш да титакнам ку-далташ Юмо деч йодына.

Тўнялан тыныслыкым да мемнан чонлан чыла сайым да пайдалым пуаш Юмо деч йодына.

Кодшо ўмырнам тынысын да сулыкна верч өкынен илаш Юмо деч йодына.

Орланыде, тынысын да вожылмашыш пурь-де христиан колымаш дене колаш да Христосын Лўдыкшө судыштыжо мыланна поро вашмутым пуаш Юмо деч йодына.

Эн Святой, Эн Яндар, Порылан пўралтше, мок-тымо Владычицым, мемнан Юмым Шочыкты-шым, эреак Ўдыр улшо Мариям, чыла святой-влак дене шарналтен, шкенам, лишыл-влакым да чыла ильшнам Христос Юмын кидышкыже пуэна.

Хор: Тыланет, Юмо.

Иерей: Тый вет поро да Айдемым йөратыше Юмо улат, Тыланет таум ыштена, Ачалан, Эр-гылан, Святой Шўлышлан, кызытат, керек-куна-мат, курым-курым мучкак.

Хор: Аминь.

Иерей: Чылалан тыныс лийже.

Хор: Тыйын шүлышетланат.

Диакон: Господьлан вуйнам савена.

Хор: Тыланет, Господь.

Священник вуй савыме молтивам шын лудеш.

Возглас: Тыйын Кугыжанышетын, Ачан, Эргын, Святой Шүлышын, кучен ашнымыже порын пүрымө да моктымо лийже кызытат, кереккунамат, курым-курым мучкак.

Хор: Аминь.

Лития уло гын, притворыш лекмаш.

Хор храмын але пайремын стихирьжым мура.

Тау ... , святойын.

Кызытат ... , Богородичен.

Литиян радамже

Диакон: Юмо, Шке калыкетым утаре да Шке енет-шамычлан порым пүрө, Шке айдеме тукымет деке тол да кугу чаманымашетым ончыкто, Христослан чын ўшаныше-шамычым вияным ыште да мыланна Тыйын кугу порылыкетым колто. Чот Чаманыше Господь, ме Тыйым сөрвалена: мемнан Юмынам Шочыктышо

Эн Святой, Эн Яндар, Эн Моктымо Аван, эреак
Ўдыр улшо Мариян, кумалмыж дене; Кугун Па-
галыме да Илышым ыштыше Ыресетын вийже
дене; мемнан жаплыме Пылпомышысо капдыме
Куат-влакын сөрвалымышт дене; Христос он-
чыч Толшо да Тудым Тынеш пуртышо пеш ча-
пле Иоанн пророкын; чыла моктымо да чапле
святой апостол-шамычын; мемнан святой ачана
да уло тўнялан кугу туныктышо святитель Ва-
сильий Великий, Григорий Богослов да Иоанн
Златоустын; Ликийысе Миры олан архиепи-
скопшо, святитель Николай Чудотворец ачанан;
апостол-влак дене тўр лийше святой Кирилл ден
Мефодийын, словенийысе туныктышо-влакын;
апостол-влак дене тўр лийше кугу князь Влади-
мир ден кугу княгиня Ольган; Киев олан икымше
митрополитше, святитель Михаил ачанан; Мо-
сква олан да уло Российын кугу святительышт
Петр, Алексей, Иона, Макарий, Филипп, Иов,
Ермоген да Тихонын; Москва олан митрополит-
ше Филарет, Иннокентий да Макарийын; Озан
олан чудым ыштыше святительже Гурий, Вар-
сонофий да Германын; Болгарысе мученик Ав-
раамийын; Озангысе мученик Петр, Стефан да
Иоаннын; Христослан ўшаныме верч орлыкым
чытен сенгыше святой мученик-влакын; Россий-

ын чыла исповедникше да у мученикше-влакын; Киев олан митрополитше Владимирын; Петроград олан митрополитше Вениаминын; Крутицкий митрополит Петрын; Вереяысе архиепископ Иларионын; святой мученик Николай кугыжан да тудын ешыжын; Марий кундемысе святой епископ Леонидын да Адриан, Михаил, Сергей, Николай, Анатолий пресвитер-влакын; Юмылан йӧрышӧ да орланыше кугу княгиня Елисавета ден инокиня Варваран; шӱм кӧргыштышт Юмым нумалше да Юмылан йӧрышын илыше ачана-шамыч – Печерысе Антоний ден Феодосийын, Радонежысе Сергей ден Никонин, Соловкийысе Зосим ден Савватийын, Валаамысе Сергей ден Германын, Саровысо Серафимын, Яранысе Матфейын; Юмылан йӧрышӧ ачана-шамыч – Оптинысе старец-влакын; чын илыше святой Иоанн Кронштадский ден Москва олесе Алексийын; Петербургысо Ксения ден Москва олесе Матрона поро авана-шамычын; Христос Юмын чын илыше святой кугезыже-влак Иоаким ден Аннан; тыгак *(кӧн лӱмеш тиде храм, да тиде кечын пагален шарныме святой-влакын лӱмышт)* да чыла святойын кумалмыж дене мемнам, Тыйым сӧрвалыше сулыкан ен-шамычым, колышт да утаре.

Хор: Юмо, серлаге. (40 гана)

Диакон: Эше мемнан Кугу Господинна да Ачана – Святейший Патриарх Кирилл ден мемнан Господинна – Высокопреосвященнейший архиепископ Иоанн верч да Христос дене ушнымаш гоч лийше чыла иза-шольына да чын верам кучен илыше чыла чон верч кумалына, кӧ ойгым ужын, йӧсым чытен ила да Юмын чаманымжым да полшымжым вуча; тиде олам (*тиде селам але монастырьым*) да тыште илыше-влакым аралыже манын; уло тӱн्यान тынысле илышыж верч; Юмын святой Черкыже порын шогыжо манын; Юмо деч лӱдын тыршыше да служитлыше ача-иза-шамычнам утарыже да нунылан полшыжо манын, ӧрдыжкӧ кайыше да тыште уке улшо-шамыч верч; черланен кийыше-влакын пареммышт верч; тыште да ӧрдыжтӧ тойымо ача-иза-шамычнан, чын верам кучышо чыла енын сулыкышт касарыме лийышт, а чонышт суапле верыште ласкан канышт да нунын нерген шарнымаш поро лийже манын; пленыште улшо-влакын утаралтшашышт верч; службышто улшо иза-шольына-влак верч да тиде храмыште (*але тиде монастырьыште*) ончыч тыршыше да кызыт служитлыше-влак верч сӧрвален йодына:

Хор: Юмо, серлаге. (50 гана)

Эше мемнан Поро да Айдемым йӧратыше Юмына чаманыше лийже да тиде олам (*селам але илыме верым*) арален кодыжо манын, тиде храм (*але тиде монастырь*) верч; чыла ола да уло элым шужымо, орланыме, мланде чытыр-налтме, вӱд ташлыме, тул, керде, тушман-шамыч керылт пурымо, ваш-ваш кредалмаш деч аралыже да мемнан ӱмбака толшо чыла осалым корандыже манын, мыланна вочшаш Шке чын шыдыж деч мемнам утарыже да серлагыже манын, сӧрвалена.

Хор: Юмо, серлаге. (*3 гана*)

Диакон: Господь Юмына эше мемнан, сулыкан-шамычын, сӧрвалыме йӱкнам колжо да мемнам серлагыже манын, йодына.

Хор: Юмо, серлаге. (*3 гана*)

Иерей: Мемнам утарыше Юмо, тенгызыште улшо, тӱня тӱр марте улшо-влакын ӱшанышт, мемнам колышт. Ашныше Юмо, чамане, языкан улына гынат, мемнам чаманыше лий да серлаге.

Тый вет Чаманыше да Айдемым йӧратыше Юмо улат, да Тыланет таум ыштена, Ачалан, Эргылан, Святой Шӱлышлан, кызытат, керек-кунамат, курым-курым мучкак.

Хор: Аминь.

Иерей: Чылалан тыныс лийже.

Хор: Тыйын шўлышетланат.

Диакон: Господьлан вуйнам савена.

Хор: Тыланет, Господь.

Иерей: Чот чаманыше Ашныше Юмо, мемнан Господь Иисус Христосна, ме Тыйым сөрвалена: мемнан Юмынам Шочыктышо Эн Святой, Эн Яндар, Эн Моктымо Аван, эреак Ёдыр улшо Марьян, кумалмыж дене; Кугун Пагалыме да Илышым ыштыше Ыресетын вийже дене; мемнан жаплыме Пылпомышысо капдыме Куат-влакын сөрвалымышт дене; Христос ончыч Толшо да Тудым Тынеш пуртышо пеш чапле Иоанн пророкын; чыла моктымо да чапле святой апостол-шамычын; порын сенгыше святой мученик-влакын, Юмым шке көргыштышт нумалше преподобный ачана-шамычын, мемнан святой ачана да уло тўнялан кугу туныктышо святитель Василий Великий, Григорий Богослов да Иоанн Златоустын; Ликийысе Миры олан архиепископшо, святитель Николай Чудотворец ачанан; апостол-влак дене тёр лийше святой Кирилл ден Мефодийын, словенийысе туныктышо-влакын; апостол-влак дене тёр лийше кугу князь Владимир ден кугу княгиня Ольган; уло Российын святой чудотворецышт Михаил, Петр, Алексей, Иона, Филипп, Ермоген; Филарет, Иннокентий да Тихоньн; Москва олан митрополитше Филарет, Иннокен-

тий да Макарийын; Озан олан чудым ыштыше святительже Гурий, Варсонофий да Германьын; Болгарысе мученик Авраамийын; Озангысе мученик Петр, Стефан да Иоаннын; Христослан ўшаныме верч орлыкым чытен сенгыше святой мученик-влакын; Российын чыла исповедникше да у мученикше-влакын;

Киев олан митрополитше Владимирын; Петроград олан митрополитше Вениаминын; Крутицкий митрополит Петрын; Вереьысе архиепископ Иларионын; святой мученик Николай кугыжан да тудын ешыжын; Марий кундемысе святой епископ Леонидын да Адриан, Михаил, Сергей, Николай, Анатолий пресвитер-влакын; Юмылан йöрышö да орланыше кугу княгиня Елисавета ден инокиня Варваран; шүм көргыштышт Юмым нумалше да Юмылан йöрышын илыше ачана-шамыч – Печерысе Антоний ден Феодосийын, Радонежысе Сергей ден Никонын, Соловкийысе Зосим ден Савватийын, Валаамысе Сергей ден Германьын, Саровысо Серафимын, Ярангысе Матфейын; Юмылан йöрышö ачана-шамыч – Оптинысе старец-влакын; чын илыше святой Иоанн Кронштадский ден Москва олесе Алексийын; Петербургысо Ксения ден Москва олесе Матрона поро авана-шамычын; Христос

Юмын чын илыше святой кугезыже-влак Иоаким ден Аннан; тыгак (*кӧн лӱмеш тиде храм, да тиде кечын пагален шарныме святой-влакын лӱмышт*) да чыла святойын кумалмыж верч мемнан сӧрвалымынам порылан уж, сулыкнам касаре, мемнам Шке шулдырет дене левед, чыла тушманым да осалым шонышым мемнан деч поктен колто; илышнам тынысландаре, Господь, мемнамат, Шке тӱнятымат серлаге да мемнан чоннам утаре, вет Тый поро да Айдемым йӧратыше Юмо улат.

Хор: Аминь.

Стихиры на стиховне

Канонарх гласын чотшым каласа да стихирын 1-ше корныжым лудеш.

Хор стихирым мура.

Рушарнясе стих-влак:

1-ше стих: Господь Кугыжа лие, моторлык дене вӱдылалте.

2-шо стих: Вет Тудо тӱням пенгыдемден да тарваташ лийдымым ыштен.

3-шо стих: Эй Юмо, Тыйын пӧртетлан чыла кечынат святой лийман.

Тау Ачалан, Эргылан, Святой Шӱлышлан, кызытат, керек-кунамат, курым-курым мучкак. Аминь. *Богородичен.*

***Праведный Симеон Богоприимецын
молитваже:***

Ашныше Юмо, ынде мыйым, Шке айдеметым, каласымет гаяк тынысландарен колтет: вет чыла калык ончылно ямдылыме утарымашетым, чын Юмым палыдыме калык-влакым волгалтарыше волгыдым, Израиль калыкетын чапшым, мыйын шинчам ужо.

Лудшо: Святой Юмо, Святой Куатле, Святой Колыдымо, мемнам серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Пеш Святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан осалым ыштымынам кудалте; Святой Юмо, толын, Шке лүмет верчын, черна деч мемнам паремде.

Юмо, серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет мланде үмбалнат Пылпомышысо гаяк лийже. Мемнан илышаш киндым, тачылыкым, мыланна пу; кудалте мемнан язык-шамыч-

нам, весе-шамычын мыланна ыштыме языкыш-
тым кудалтымына гаяк; языкышке мемнам ит
пурто, осал дечын мемнам утаре.

Иерей: Тыйын вет Кугыжанышет, куатет, кугу
чапет, Ачан, Эргын, Святой Шүлышын, кызытат,
керек-кунамат, курым-курым мучкак.

Хор: Аминь.

Пайрем тропарь. (3 гана)

Рушарня вашеш йүдвошт кумалмаш гын:

Юмым Шочыктышо Ёдыр, йывырте, Поро
Пүрымашан Мария, Тый денет Юмо; чыла
ёдырамаш дечат утла Тый поро пүрымашан
улат, Тый дечет Шочшат поро пүрымашан, вет
мемнан чоннам Утарышым Тый шочыктенат.

(3 гана)

*Рушарнян иктаж святойын пайремже
гын, Юмым Шочыктышо Ёдыр... (2 гана) да
святойын лүмеш тропарьже (1 гана) мурал-
теш.*

*Лития лийын гын, киндым, шыдаңым, ви-
ноград аракам да пу үйым благословитлат.*

Киндым благословитлыме молитва

Иерей: Мемнан Господь Иисус Христос Юмына, Тый вич киндым перканым ыштен, вич тўжем еным пукшен теменат. Тиде кинде, шыдан, виноград арака ден пу ўйым Шке порын сугыньло, чыла тидым мемнан олаштат (*селаштат але святой монастырьыштат*) да Шкендын уло тўняштет шукемде, да чыла тидым порын кочкын-йўын илыше-влакым святитле. Мемнан Христос Юмына, Тый вет чылалан порым пўрышö да святитлыше улат, да Тыланет, Тўналтышдыме Тыйын Ачатлан да Илышым пуышо Эн Святой да Поро Шўлышетлан таум ыштена, кызытат, керек-кунамат, курым-курым мучкак.

Хор: Аминь.

Юмын лўмжö кызытат, курым мучкат моктымо лийже. (*3 гана*)

33-шо псалом, 1-11 стих

Юмым кеч-могай жапыштат моктен илем, Тудым моктымаш – эре мыйын йылмыштем.

Юмын лўмжö дене мыйын чонем моктанаш тўналеш, да ўнышö ен-шамыч тек колыт да йы-выртат.

Юмым мый денем пырля чапландарыза да, ик-вереш погынен, Тудын лүмжым нөлтена.

Мый Юмым кычальым, Тудо мыйым кольо да чыла ойгем деч утарыш.

Тудын деке толза да волгалтса, да тендан чурийда вожылмашке ок пуру.

Теве тиде үнгышө сөрвален кумале, да Юмотудым кольо да чыла ойгыж деч утарыш.

Юмо деч лүдшө-шамычым Юмын Суксыжо йыр авырен налеш да утара.

Тамлен ончыза да Юмын могай поро улмыжым ужыда: Тудлан үшаныше ең поро пиалан!

Эй, Юмын святойжо-шамыч, чыланат Тудын деч лүдын шогыза, вет Тудын деч лүдшө-шамыч йорлеш огыт код.

Поян-шамыч йорлештыныт да шуженыт, а Юмым кычалше-шамыч порылык деч посна огыт код.

Иерей: Айдемым йөратыше поро кумылан Юмын поро пүрымашыже тендан үмбалныда лийже, кызытат, керек-кунамат, курым-курым мучкак.

Хор: Аминь.



ЭРДЕНЕ КУМАЛМАШ

Ойырен налме ен, пеш шекланен да Юмо деч лүдын, куд псаломым лудеш, а чыла калык псалом лудмым уло чон дене йывыртен да пеш шып колыштеш.

Лудшо: Күшылсө Юмылан тау, мланде үмбалне тыныслык да айдеме-шамычлан Юмын порылыкшо лийже. *(3 гана)*

Господь, мыйын умшам почат гын, Тыйын кугу лүметым чапландарем. *(2 гана)*

3-шо псалом

Эй Юмо! Мыйым шыгыремдыше-шамыч чот шукемыч! Шукышт мыланем ваштареш шогат. Шукышт мыйын чонемлан ойлат: «Юмыжо тудым ок утаре». Эй Юмо, Тый мыйын аралышем, мыйын чапем да мыйын вuem нөлтышö улат. Йүкем дене мый Юмым сөрвалышым, да Тудо мыйым Шке святой курыкшо гыч кольцо. Мый мален колтышым, малышым да кынельым, вет мыйым Юмо арала. Мыйым авырен налше шуко

калык дечат мый ом лүд. Господь, ылыж кынел!
Мыйын Юмем, мыйым утаре! Вет мыйын ваш-
тареш улшо-шамычым чылаштымат Тый пыта-
ренат, языкан-шамычын пуйыштым шалатенат.
Утаралтмаш Господь деч, да Тыйын порылыкет
Тыйын калыкет үмбалне.

37-ше псалом

Эй Юмо, шыдешкымет дене мыйым ит ти-
такле да сырымет дене мылам орлыкым ит
ужыкто. Вет Тыйын умдет-шамыч мыланем
керылтыныт, да Тый кидетым мыйын үмбала
нелемденат. Тыйын шыдет улмылан мыйын ка-
пем огеш парем, языкем улмо дене мыйын луэм
огеш тыныслане. Вет мыйын закондымылыкем
вujemyмат эртен, неле нумалтыш гае мыйым
темден шога. Уш деч посна илымем дене мый-
ын сусырем-шамыч шуйыныт да үпшалтыт. Ор-
ланымем дене чылтак пугырнен пытышым, кече
мучко ойгырен коштам. Мыйын уло көргем на-
мыс дене темын, мыйын капем огеш парем. Чот
йосланышым да унышемым, шүмемын ойгыры-
мыжо дене мүгырен шортым. Эй Юмо, мыйын
чыла чон йодмашем Тыйын ончылнет, да мыйын
ойгырен шүлалтымемат Тый дечет шолып огыл.
Мыйын шүмем пудыраныш, йыжынгемат пы-

тыш, шинча волгыдем ыле, ынде тудат уке. Йолташем ден шүмбелем-шамыч, ончыкем толын, ваштарешем шогальыч, А лишылем-шамыч мый дечем мундыркө шогальыч; чонем кычалше-шамыч мыйым шыгыремдышт, мыланем осалым кычалше-шамыч шоям ойлышт да чояланышаш нерген кечыгут кангашышт. Мыйже сонгыра гай колын омыл да йылмыдыме гай шке умшамат почын омыл. Да колын кертдыме ег гай умшам дене вашмутым пуыде шогышым. Эй Юмо, вет мый Тыланет ушанышым: Господь Юмем, Тый мыйым колат. Вет мый каласышым: «Тушманем-шамыч мыйын верч тек огыт куане», — вет мыйын йолем шүртньюмө годым нуно кугешнен шогышт. Сусырым чыташ мый ямде улам, да мыйын орлыкем эреак ончылнем. Вет закондымо улмем нерген мый увертарем да языкем верчын тургыжланаш тунгалам. Мыйын тушманем-шамыч илат да мый дечем виянрак лийыныт, да мыйым арамак ужын кертдыме-шамыч шукемыч. Мыйын порылыкем ваштареш осалым ыштыше-шамыч мыйын порым ыштымемлан верч мыйын умбакем шоям ойлышт. Эй Господь, мыйын Юмем, мыйым ит кудалте, мый дечем ит ойырло! Мыйым утарыше Юмо, мыланем полшаш вашке!

62-шо псалом

Эй Юмо, мыйын Юмем! Мый Тыланет пеш эр кумалам: коштын керташ лийдыме да вүддымө ир мландыште мыйын капем Тый декет пеш лишемнеже, мыйын чонемат Тый декет лишемнеже! Тыйын куатетым да чапетым ужаш Тыйын святой верышкет пурынем ыле! Вет Тыйын порылыкет илыш дечат шерге. Мыйын йылмем Тыйым мокта. Илымем годым Тыйым тыге моктем, Тыйын лүмет верчын кидем нөлтем. Мүй дене, үй дене чонем темже ыле, да умшамат йывыртыме йүк дене Тыйым моктыжо. Малыме верыштем ушешем налын, эрдене эрак Тыйын нерген шонышым; Вет Тый мыйын полшышем лийынат, да мый Тыйын шулдырет йымалне куанем. Мыйын чонем Тый денет ушныш, а Тыйын пурла кидет мыйым йөратен нале. Мыйын чонемым арам кычалше-шамыч тамыкыш каят, Нуно керде дене руэн пытаралтыт, рывыж-шамычын кочшаш ужашыже лийыт. А кугыжа Юмылан куана, Юмын лүмжылан товатлыше-шамыч чыланат мокталтыт, вет шоякым ойлышо-шамычын умшашт петырналтыныт.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак.
Аминь

Аллилуиа, аллилуиа, аллилуиа, тау Тыланет,
Юмо. *(3 гана)*

Юмо, серлаге. *(3 гана)*

Тау Ачалан, Эргылан, Святой Шүлышлан,
кызытат, керек-кунамат, курым-курым мучкак.
Аминь.

Священник Кугыжан капка ваштареш шогалеш да светильничный молитва-шамычым шын лудеш.

87-ше псалом

Эй, мыйым утарыше Господь Юмо! Кечывалымат, йүдымат мый Тыйым сөрвалышым. Мыйын кумалмем Тый декет шужо ыле, мыйын сөрвалымемлан пылышетым савыре. Вет мыйын чонем ойго дене теме, да илышем тамыкышке лишеме. Мый шүгарышке волтымошамыч гае лийым, үнардыме ең гае, Колышлан шотлымо да колоткашке пуштын пыштыме гае, нуным Тый ушешет от нал, да кидет дечынат нуно ойыралтыныт. Мыйым пеш келге вынемыш, пычкемыш верыш да колымаш үмылыш пыштышт. Тыйын шыдет мыйын үмбакем возо, да чыла толкынет-шамычым Тый мыланем логалтет. Палыме ең-шамычым Тый мый дечем корандышыч: нуно мый дечем йырнышт, мыйым ужалышт, да лектынат ом керт. Ойгырен

илымем дене шинчам уждымо лие. Эй Юмо, мый Тыйым кече еда сөрвалышым, Тый декет кидем нөлтышым. Öрыктарыше пашат-шамычым Тый колышо-шамычлан ыштет мо? Эмлызе-шамыч колышо-шамычым ылыжтен кынеттат мо, да нуныжо Тыйым чапландарат мо? Тыйын поро кумылетым да Тыйын чынетым иктажше, колымеке, шүгарыште каласен кертеш мо? Тыйын öрыктарыше пашат-шамычым пычкемыш верыште, а Тыйын чынетым мондымо мландыште палат мо? Эй Юмо! Мый Тыйым сөрвалышым, да эрдене эр кумалмем Тый декет шужо. Эй Юмо, молан мыйын чонем Шке дечет поктет? Шке шүргетым мый дечем молан савырет? Мый йорло улам да изием годсек йöсын илем: чапленам ыле, ынде үнгышемым да виемат пытыш. Тыйын шыдет-шамыч мыйын үмбачем эртышт, Тыйын лүдыктымашет-шамыч мыйым пудыратышт: Нуно мыйым вүд гае авалтышт да кече мучко пырля авырен шогышт. Орланен илымем годом Тый мыйын танем, лишылем да палымем-шамычым мый дечем корандышыч.

102-шо псалом

Эй чонем, Юмым мокто, уло көргемат Тудын святой лүмжым мокто! Эй чонем, Юмым мокто да Юмын чыла порыжым ит мондо: Юмо чыла

языкетым эрыкта, чыла черетым паремда, Тыйын илышетым пытыме деч утара, Шке поро кумылжо дене, чаманымашыж дене тыйым леведеш, Тыйын поро шонымашетым шукта, тыйын рвезылыкет арслан кайыкын гае уэмеш. Чыла шыгыремдыме-шамычлан Юмо порым да төр судым ышта. Юмо Шке корнылажым Моисейлан ончыктен, Израильын шочшыжо-шамычлан – Шке эрыкшым. Юмо поро кумылан да чаманыше, шуко чытыше да чот чаманыше. Мучаш марте огеш шыдешке да курымеш огеш сыре. Мыланна закондымылыкнам ончен ыш ыште да языкна-шамычым онченат ыш пörтылтö. Вет кава мланде деч кунаре күкшö, Юмо Шке дечше лүдшö-шамычлан порылыкшым тунаре чот ончыктен. Кече лекмаш вел деч кече шичмаш вел кунаре мүндырнö, мемнан законде ыштымынам Тудо тунаре мүндыркö коранден. Ача эргыжешамычым кузе чамана, Юмо Шке дечше лүдшö-шамычым тугак чаманен. Вет Юмо мемнан ышталтмынам пала: мемнан рок улмынамат ок мондо, Айдеме шудо гае, тудын үмыржö олыкысо пеледыш гае, пеледме жапше тугак пыта. Тудын шүлышыжö лектеш да укеат лиеш, вара шке вержымат палыдыме лиеш. Юмын порылыкшо Туддеч лүдшö-шамычлан курым гыч курымыш-

ко лийын шога, Юмын чынже Тудын сугыньжым аралыше да Тудын күштымашыжым шукташ шонышо-шамычын эргыштын эргыштан лиеш. Юмо Шке престолжым Пылпомышеш шынден, да Тудын Кугыжанышыже чылам кучен ашна. Эй, шуко виян чыла Суксыжо, Юмын шомакшым шуктышо да Тудын мутшын йүкшым колышт-шо-шамыч, чыланат Юмым моктыза. Эй, Юмын чыла куатше-шамыч, Тудын эрыкшым шуктышо кулжо-шамыч, Юмым моктыза. Эй, Юмын чыла пашаже-шамыч, Господын кучен ашныме чыла верыштыжат Юмым моктыза. Эй, чонем, Юмым мокто!

142-шо псалом

Господь, мыйын кумалмем кол, Шке чын-лыкет дене мыйын сөрвалымем пылышышкет нал, Шке виклыкет дене мыйым кол. Шке айде-мет дене судышко ит шогал, вет Тыйын ончыл-нет ик илыше егат чыныш лектын ок керт. Вет мыйын чонем тушман поктыш, мыйын илышем мландышке тошкыш, шукерте колышо-шамыч гаеш шотлен, мыйым пычкемышке петырыш. Мыйын шүлышем көргыштем шүлыкане, мый-ын көргыштем шүмем лүдө. Тошто годсо жа-пым ушышкем налын, Тыйын чыла пүрымет-

шамычым, Тыйын чыла пашатым шонен, ушым погышым. Мый Тый декет кидем нөлтал кумалым, мыйын чонем Тый декет вүддымө мланде гае виктаралтын. Эй Юмо, мыйым вашке кол: мыйын шүлышем пытыш. Шке чуриетым мый дечем ит савыре: уке гын, мый шүгар вынемышке воышо гае лиям. Шке поро кумылетым мыланем эрдене эрак увертаре: вет мый Тыланет үшанышым. Эй Юмо, коштшаш корнем мыланем ончыкто: вет мый чонем дене Тый декет нөлталтым. Господь, мыйым тушманем-шамыч деч коранде, вет мый Тый декет толынам. Шке эрыкетым ышташ мыйым туныкто: вет Тый мыйын Юмем улат. Тыйын поро Шүлышет мыйым чынын мландышкыже намия. Господь, Шке лүмет верч Шке чынет дене мыйым иландарет, мыйын чонем ойго гыч утарет. Шке поро кумылет дене тушманем-шамычым пытарет, мыйын чонем ойгандарыше-шамычым чылаштымат пытарет: вет мый Тыйын кулет улам.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Аллилуиа, аллилуиа, аллилуиа, тау Тыланет, Юмо. *(3 гана)*

Кугу ектений

Диакон: Тынысын Юмылан кумалына.

Хор: Юмо, серлаге. *(Кажне йодмаш почеш)*

Кўшычын тынысым колтыжо да мемнан чоннам утарыже манын, Юмылан кумалына.

Чыла калыкын тыныслыкше верч, Юмын святой Черкылаже порын илышт да чылан иктеш ушнышт манын, Юмылан кумалына.

Тиде святой храм верч да Юмылан инанен, порым шонен, Юмо деч лўдын тушко пурьшошамыч верч Юмылан кумалына.

Мемнан кугу Господинна да Ачана – Святейший Патриарх Кирилл ден мемнан Господинна – Высокопреосвященнейший архиепископ Иоанн верч да поро священник ден диакон-шамыч верч, черкыште ыштыше чыла ег да уло калык верч Юмылан кумалына.

Юмо аралыме шочмо элна верч, тудын чыла вуйлатышыже да элнам аралыше-влак верч Юмылан кумалына.

Тиде ола верч *(тиде ял верч але тиде монастырь верч)*, чыла ола, эл да тушто Юмылан ўшанен илыше-влак верч кумалына.

Чылалан пайдале юж лийже, мланде ўмбалне чыла умен шочшо да тыныс лийже манын, Юмылан кумалына.

Вүдыштö да корныш коштшо-шамыч верч, орлык ден сусырым чытыше да пленыш логалшевлак верч, чылаштымат утарыже манын, Юмылан кумалына.

Түрлö ойго, шыде да нужналык деч мемнам утарыже манын, Юмылан кумалына.

Юмо, Шке порылыкет дене мемнам чамане, утаре, серлаге да арале.

Эн Святой, Эн Яндар, Порылан пүралтше, моктымо Владычицым, мемнан Юмым Шочыктышым, эреак Ёдыр улшо Мариям, чыла святойвлак дене шарналтен, шкенам, лишыл-влакым да чыла илышнам Христос Юмын кидышкыже пуэна.

Хор: Тыланет, Юмо.

Иерей: Тыланет, Ачалан, Эргылан, Святой Шүлышлан, чап, пагалымаш да кумалмаш лийже, кызытат, керек-кунамат, курым-курым мучкак.

Хор: Аминь.

Бог Господь

Диакон: Господь Юмо мемнан деке толын, Юмын лүмеш толшо поро пүрымашан.

Хор: Господь Юмо мемнан деке толын, Юмын

лүмеш толшо поро пүрымашан. *(Умбақыже кажне стих почеш тидак лиеш)*

1-ше стих: Юмым ойлен чапландарыза, Тудо поро, вет Тудын порылыкшо курымеш.

2-шо стих: Мыйым чыла могырым авырен налыч, а мый Юмын лүм дене нунын ваштареш шогышым.

3-шо стих: Ом коло, илыше лиям да Юмын пашажым палдарем.

4-ше стих: Чонгышо-влакын йөрдымыш лукмо кўышт негыз пусак кў лийын. Тиде Юмо деч лийын, сандене мемнан шинча ончылно өрмашан.

Хор пайрем тропарьым да богородичным мура.

Тиде кечын лудмо икымше кафисме.

Изи ектений (9-ше стр. ончо).

Диакон: Угычын, угычын ...

Иерей: Тыйын вет кучен ашнымашет, Кугыжанышет, куатет, кугу чапет, Ачан, Эргын, Святой Шүлышын, кызытат, керек-кунамат, курым-курым мучкак.

Хор: Аминь.

Тиде кечын лудмо кокымшо кафисме.

Диакон: Угычын, угычын ...

Иерей: Тый вет поро да Айдемым йөратыше

Юмо улат, да Тыланет таум ыштена, Ачалан, Эр-гылан, Святой Шүльшлан, кызытат, керек-кунамат, курым-курым мучкак.

Хор: Аминь.

Полиелей

Хор: Юмын лүмжым моктыза, Шке кулжоча-шамыч, Тудым моктыза.

Аллилуиа. *(3 гана, кажне йодмаш почеш)*
Иерусалимыште илыше Юмо Сионышто мок-тымо.

Юмым ойлен чапландарыза, Тудо поро, вет Тудын порылыкшо курымеш.

Пылпомышысо Юмым ойлен чапландарыза, вет Тудын порылыкшо курымеш.

(Кугу пүтö деч ончыч, йомын кошшо эргын пöртыл толмыжым шарныме арнян, шыл кочмым чарныме рушарнян да шöрторык кочмым чарныме рушарнян «Вавилон энерлаште...» – 136-шо псалом – ешаралтеш да кажне стих почеш «Аллилуиа» муралтеш.)

136-шо псалом.

Вавилон энгер серлаште шинчымына годым Сионым шарнен шортна.

Шоктымо үзгарнам тушто шертне пушенгеш
сакышна.

Пленышке налше-шамыч мемнан деч муро
мут-шамычым йодыштыч, мемнам нангайыше-
шамыч сион муро-шамычым мураш йодыч.

Юмын мурыжым йот мландыште кузе мурена?
Иерусалим, тыйым мондем гын, пурла кидем
тек мондалтеш.

Тыйым, Иерусалим, ушешем ом нал гын, тый-
ым шке куанемын күкшытшылан ом шотло гын,
йылмем логарешем пижше.

Эй Юмо, Иерусалимын ойган кечылаштыже
Едом эрге-шамычын «Пытарыза, негызыш шу-
мешке тудым пытарыза» манмыштым ушештаре.

Эй, Вавилонын пиалдыме үдыржө, мыланна
мом ыштыметым тыланет тугакак пörтылтышö
ен пиалан.

Икшывет-шамычым налын, кү пелен лупшал-
ше ен пиалан.

*Уло гын, святойлан але пайрем величаний
муралтеш.*

*Блыж кынешме нерген тропарь-влак,
5-ше сем:*

Хор: Юмо, Тый моктымо улат, Тыйын ончыл-
нет чыныш лекшашлан мыйым туныкто.

Утарыше Юмо, Тыйым колышо-влак коклаште ужын, суксо-влакын погынышт чот öрын. Тый колымашын куатшым сөгенат да Шке денет пырля Адамьм нöлталынат, да тамык гыч чылаштым луктынат.

Хор: Юмо, Тый моктымo улат ...

Волгалтше Суксо миром кондышо үдырамаш-влаклан ойлен: «Эй, тунемше-влак, молан те тамле пушан миром чаманьмаш шинчавүд дене вареда? Шүгарыш ончалза да Утарышын колымаш гыч ылыж кынелмыжым палыза.»

Хор: Юмо, Тый моктымo улат ...

Миром кондышо үдырамаш-влак эрдене эрак Тыйын шүгарет деке шортын толыныт, нунын деке Суксо лишемьн да каласен: «Шортмо жап эртен, ида шорт, Христосын ылыж кынелмыже нерген апостол-влаклан увертарыза.»

Хор: Юмо, Тый моктымo улат ...

Утарыше, Тыйын шүгарет деке тамле пушан миром дене толшо үдырамаш-влак шортыныт, а Суксо нунылан каласен: «Илыше улшым молан колышылан шотледа? Вет Юмо шүгар гыч ылыж кынелын.»

Тау Ачалан, Эргылан, Святой Шүлышлан.

Ачалан да Тудын Эргыжлан да Святой Шүлышлан, Иктак улшо Святой Троицылан, су-

кен кумалына да Серафим-шамыч дене пырля мурена: Святой, Святой, Святой улат Тый, Господь Юмо, кызытат, керек-кунамат, курым-курым мучкак. Аминь.

Эн Святой Ёдыр, Илышым пуышо Юмым шо-чыктымет дене Тый Адамым сулыкшо деч утаренат да Евалан шүлык олмеш куаным пуэнат; Тый дечет капан лийше Юмо да Айдеме илыш корногыч коранше-шамычым уэш тушкак пörтылта.

Аллилуиа, аллилуиа, аллилуиа, тау Тыланет, Юмо. *(3 гана)*

Изи ектений, ипакои да седален-влак.

Иерей: Тыйын лүмет моктымо, Кугыжанышет чапле, Ачан, Эргын, Святой Шүлышын, кызытат, керек-кунамат, курым-курым мучкак.

Хор: Аминь.

Антифон, 4-ше сем:

Хор: Рвезем годсекак шуко алгаштарымаш мый декем кержалтеш. Эй Утарышем, мыйым Шке арале да утаре.

Сионым ужмышудымо-шамыч, тендам Юмо вожылмашке луктеш: те тул дене коштымо шудо гае кошкеда.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Святой Шүлышын куатше дене керек-могай чонат ылыжеш да эрнен нөлталтеш; Кумытло* Ик Юмын порыжо дене умылен мошташ лийдымын волгалтеш.

Диакон: Колыштын шогена.

Иерей: Чылалан тыныс лийже.

Хор: Тыйын шүлышетланат.

Диакон: Кугу уш-акыл. Прокимен, ...

Ылыж кынелме нерген прокимен-влак:

1-ше сем: Ынде ылыж кынелам, Утарыше лиям, тидын гоч почылтам манын, Юмо каласа.

Стих: Юмын мутшо – яндар мут-шамыч.

2-шо сем: Господь Юмем, Шке пуюмо күштымет семын кынел, да калык-шамыч, погынен, Тыйын йырет толын шогалыт.

Стих: Эй Юмем, мый Тыланет үшанышым, мыйым утаре.

3-шо сем: Калык-шамычлан каласыза: Юмо вет Кугыжа лие, Тудо тўням пеныдемден да тарваташ лийдымым ыштен.

Стих: Юмылан у мурым мурыза, уло мланде Господьлан мурыжо.

4-ше сем: Эй Юмо, кынел, мыланна полшо да Шке лўмет верчын мемнам утаре.

*Кумытло – Кум ипостасян

Стих: Эй Юмо, ме пылышна дене колна, да ачана-шамычат мыланна увертарышт.

5-ше сем: Господь Юмем, кынел! Тыйын кидет нөлталтше, Тый вет курымеш Кугыжа улат.

Стих: Эй Юмо, чыла шүм-кумылем дене Тыйым ойлем, чыла öрыктарыше пашатымат каласем.

6-шо сем: Эй Юмо, Шке куатетым поч да мемнам утараш тол.

Стих: Эй, Израильым күтен кондыштшо, колышт, Иосифым шорык гае вүдышö.

7-ше сем: Эй Юмо, кынел! Тыйын кидет нөлталтше: йорло-шамычетым йөршешак ит мондо.

Стих: Эй Юмо, чыла шүм-кумылем дене Тыйым ойлем, чыла öрыктарыше пашатымат каласем.

8-ше сем: Господь курымеш кугыжа лиеш. Эй, Сион, тыйын Юмет тукым гыч тукымышко.

Стих: Эй, чонем, Юмым мокто. Илымем го-дым Тыйым моктем.

Диакон: Юмылан кумалына.

Хор: Юмо, серлаге.

Иерей: Мемнан Юмына, Тый Святой улат да святой-шамыч үмбалне лыпланет. Тыланет таумыштена, Ачалан, Эргылан, Святой Шүлышлан, кызытат, керек-кунамат, курым-курым мучкак.

Хор: Аминь.

Диакон: Чыла чонан Юмым моктыжо.

Хор: Чыла чонан Юмым моктыжо.

Диакон, стих: Юмым святойжо-влак верч моктыза. Тудын куатше дене ыштыме Пылпомышто Тудым моктыза.

Хор: Чыла чонан Юмым моктыжо.

Диакон: Чыла чонан

Хор: Юмым моктыжо.

Диакон: Мыланна Святой Евангелийым умылен колышташ Юмым сөрвалена.

Хор: Юмо, серлаге. (3 гана).

Диакон: Кугу уш-акыл! Түткө лийына. Святой Евангелийым колыштына.

Иерей: Чылалан тыныс лийже.

Хор: Тыйын шүлышетланат.

Иерей: (Евангелистын лүмжө) деч Святой Евангелийым лудмаш.

Хор: Тау Тыланет, мемнан Юмына, тау Тыланет.

Диакон: Колыштына.

Священник Евангелийым лудеш.

Хор: Тау Тыланет, мемнан Юмына, тау Тыланет.

*Воскресение Христова видевише,
6-шо сем:*

Хор але калык: Христосын ылыж кынелмыжым ужын, Иктылан, Языкдыме Святой Господь Иисуслан, кумалына. Христос Юмо, Тыйын Ыресетлан кумалына, Тыйын святой Ылыж кынелметым моктен мурена. Тый мемнан Юмына улат, Тый дечет молым огына шинче, Тыйын лүмет дене лүмдалтын улына. Инаныше-шамыч, чылан толза, Христосын святой Ылыж кынелмыжлан кумалына: теве ынде Ыресше дене чыла калыклан йывыртымаш толын. Керек-кунамат Юмым моктен, Христосын Ылыж кынелмыжым мурена: пудалымым чытен колымыж дене колымашын куатшым пытарен.

50-ше псалом

Эй Юмо, Шкендын кугу кумылет дене мыйым серлаге да шуко порым шонымет дене осалем дечын мыйым эрыкте. Осалем дечын чарныдеак мушкын, языкем дечын мыйым эрыкте. Вет осалым ыштымем мый шинчем, да мыйын языкем эре ушыштемак коштеш. Тыйын ончылнет языком ыштенам да Тыйын шинчат ончылно осал пашам ыштенам, Тыйын каласымет раш да языкем верчын мыйым судитлымет төрак. Вет

авам мыйым языкеш иландарен, да мый шоч-
мем годымак яндар шочын омыл. Тый чон дене
кӧргыштӧ тӧр шонымым йӧратет: пален шукты-
дымо Тыйын законетым мыланем умылтарен ту-
ныкто. Тый иссоп вынбык дене мыйын үмбакем
шыжыкте да мыйым эрыкте, мыйым мушкын,
лум дечат чот ошым ыште. Куанышашлык да
йывыртышашлык шомакым мыланем колыкто:
Тый дечет лүдшӧ луэм йывыртыкте. Мыйын
языкем-шамычым Тыйын шинчат ынже ончал,
да чыла осалым ыштымем деч мыйым эрык-
те. Эй Юмем, мыйым яндар шүманым ыште да
мыйын кӧргыштем чын шүлышым уэмде. Чурий
ончычет мыйым ит кудалте да мый дечем Свя-
той Шүлышетымат шупшын ит нал. Утаралтша-
шым да йывыртышашым мыланем пу да Ашны-
ше Шүлышет дене мыйым пенгыдемде. Осалым
ыштыше-шамычым Тыйын корнетлан туныктем,
да языкан-шамыч Тый декет савырнат. Юмем,
вӱр йоктарыме орлык дечын мыйым утаре, Ута-
рыше Юмем, мыйын йылмем Тыйын чын оетлан
куана. Господь, мыйын умшам почат гын, Тыйын
кугу лүметым чапландарем. Надырым налмет
шуэш гын, пуэм ыле, но йӱлалтен пуымо жерт-
вым Тый от йӧрате. Юмылан надыр — ойгыры-
шо шүлыш, ойгырышо да үнгышӧ шүмым Юмо

изиеш ок пыште. Эй Юмо, Шке порылыкет дене Сион калыклан порым ыште, да Иерусалим олан пырдыжше тек нөлталалтеш. Тунам чынын надыржым, нөлтал пуымым да чыла йүлалтымым йөрәтен налат; тунам Тыйын алтарет үмбак презе-шамычым пыштат.

6-шо сем:

Хор: Тау Ачалан, Эргылан, Святой Шүлышлан.

Чаманыше Юмо, апостол-шамычын сөрвалымышт дене шуко сулыкна деч мемнам эрыкте.

Кызытат, керек-кунамат, курым-курым мучкак. Аминь.

Чаманыше Юмо, Шке Аватын сөрвалымыж дене шуко сулыкна деч мемнам эрыкте.

Эй Юмо, шкендын кугу кумылет дене мыйым серлаге да шуко порым шонымет дене осалем дечын мыйым эрыкте.

*Ылыж кынешме нерген але пайрем стихира,
6-шо сем:*

Хор: Иисус ожно каласымыж гаяк шүгар гыч ылыж кынешын, мыланна курымаш илышым да Шке кугу чаманымашыжым пуэн.

(Мытарь ден фарисейын арняж гыч тўналын, Кугу пўтын кажне рушарнян, «Апо-

стол-влакын молитвашт дене ... » да моло молитва олмеш «Сулыкым касарыме омсам мыланем поч ... » муралтеш. Пүтӧ триодым ончо)

Диакон: Юмо, Шке калыкетым утаре да Шке енет-шамычлан порым пүрӧ, Шке айдеме тукумет деке тол да кугу чаманымашетым ончыкто, Христослан чын үшаныше-шамычым вияным ыште да мыланна Тыйын кугу порылыкетым колто. Чот Чаманыше Господь, ме Тыйым сӧрвалена: мемнан Юмынам Шочыктышо Эн Святой, Эн Яндар, Эн Моктымо Аван, эреак Ёдыр улшо Мариян, кумалмыж дене; Кугун Пагалыме да Илышым ыштыше Ыресетын вийже дене; мемнан жаплыме Пылпомышысо капдыме Куат-влакын сӧрвалымышт дене; Христос ончыч Толшо да Тудым Тынеш пуртышо пеш чапле Иоанн пророкын; чыла моктымо да чапле святой апостол-шамычын; мемнан святой ачана да уло тӱнялан кугу туныктышо святитель Василий Великий, Григорий Богослов да Иоанн Златоустын; Ликийысе Миры олан архиепископшо, святитель Николай Чудотворец ачанан; апостол-влак дене тӧр лийше святой Кирилл ден Мефодийын, словенийысе туныктышо-влакын; апостол-влак дене тӧр

лийше кугу князь Владимир ден кугу княгиня Ольган; Киев олан икымше митрополитше, святитель Михаил ачанан; Москва олан да уло Российын кугу святительышт Петр, Алексей, Иона, Макарий, Филипп, Иов, Ермоген да Тихонын; Москва олан митрополитше Филарет, Иннокентий да Макарийын; Озан олан чудым ыштыше святительже Гурий, Варсонофий да Германын; Болгарысе мученик Авраамийын; Озагысе мученик Петр, Стефан да Иоаннын; Христослан ўшаныме верч орлыкым чытен сеньше святой мученик-влакын; Российын чыла исповедникше да у мученикше-влакын;

Киев олан митрополитше Владимирын; Петроград олан митрополитше Вениаминын; Крутицкий митрополит Петрын; Вереяысе архиепископ Иларионын; святой мученик Николай кугыжан да тудын ешыжын; Марий кундемысе святой епископ Леонидын да Адриан, Михаил, Сергей, Николай, Анатолий пресвитер-влакын; Юмылан йöрышö да орланыше кугу княгиня Елисавета ден инокиня Варваран; шүм көргыштышт Юмым нумалше да Юмылан йöрышын илыше ачана-шамыч – Печерысе Антоний ден Феодосийын, Радонежысе Сергей ден Никонын, Со-

ловкийысе Зосим ден Савватийын, Валаамысе Сергей ден Германын, Саровысо Серафимын, Яранысе Матфейын; Юмылан йöрышö ачана-шамыч – Оптинысе старец-влакын; чын илыше святой Иоанн Кронштадтский ден Москва олесе Алексийын; Петербургысо Ксения ден Москва олесе Матрона поро авана-шамычын; Христос Юмын чын илыше святой кугезыже-влак Иоаким ден Аннан; тыгак (*көн лүмеш тиде храм, да тиде кечын пагален шарныме святой-влакын лүмышт*) да чыла святойын кумалмыж дене мемнам, Тыйым сөрвалыше сулыккан ег-шамычым, колышт да утаре.

Хор: Юмо, серлаге. (*12 гана*)

Иерей: Тыйын Иктак улшо Эргычын айдемым йöратымыже, чаманымыже, поро кумылжо дене да Илышым пүрышö Эн Святой, Поро Шүлышет дене пырля Тый моктымо улат, кызытат, керек-кунамат, курым-курым мучкак.

Хор: Аминь.

*Вара каноным лудаш да мураш тўналыт;
3-шо ден 6-шо мураш почеш изи ектеня
лиеш.*

3-шо мураш деч вара

Диакон: Угычын, угычын ...

Иерей: Тый вет Мемнан Юмына улат, Ты-

ланет таум ыштена, Ачалан, Эргылан, Святой Шүлышлан, кызытат, керек-кунамат, курым-курум мучкак.

Хор: Аминь

6-шо муру деч вара

Диакон: Угычын, угычын ...

Иерей: Тый вет тўням кучышо Кугыжа да мемнан чоннам Утарыше улат, да Тыланет таум ыштена, Ачалан, Эргылан, Святой Шүлышлан, кызытат, керек-кунамат, курым-курум мучкак.

Хор: Аминь.

8-ше муру деч вара

Диакон: Юмым Шочыктышым да Волгыдын Аважым муру дене моктена.

Юмым Шочыктышо Эн Святой Аван мурыжо:

1. Мыйын чонем Господьым мокта, мыйым Утарыше Юмылан көргө шүлышем куана.

Херувим-шамыч дечат утла пагалышашлык лийынат, Серафим-шамыч дечат танастарыдыме чапле лийынат, Тыйым, чынак Эрге Юмым языкдеак шочыктышо Авам, кугу улат манын моктена.

2. Тудо ўнышө тарзе Ўдыржө веке ончалтышыжым савырен, тиде жап гыч чыла тукымат

Мыйым поро пиалан манаш тўнгалеш.

Херувим-шамыч дечат утла ...

3. Куатле Юмо Мылам моткоч кугу порылыкым ыштен, Тудын Лўмжө святой. Тудлан лўдын кумалше-влаклан тукум гыч тукумыш Тудо Шке порылыкшым ончыкта.

Херувим-шамыч дечат утла ...

4. Тудо Шке кидшын куатшым ончыктен, кугешныше шонымашым шўмыштышт кучышо-влакым шалатен колтен.

Херувим-шамыч дечат утла ...

5. Виян-влакым престол гыч сўмыралын, ўнышө-влакым нөлталын; шужышо-влакым поро дене темен, а пойышо-влакым нимо деч посна колтен.

Херувим-шамыч дечат утла ...

6. Мемнан ачана-влаклан ойлымыж семын, Авраам ден тудын тукумжылан порылыкшым курымеш шарнен, Тудо Шкенжын Израиль шочшыжым йөратен налын.

Херувим-шамыч дечат утла ...

9-ше муро деч вара

Диакон: Угычын, угычын ...

Иерей: Вет Тыйым Пылпомышысо чыла куат мокта, меат Тыланет таум ыштена, Ачалан, Эр-

гылан, Святой Шүлышлан, кызытат, керек-кунамат, курым-курым мучкак.

Хор: Аминь.

Рушарня гын, тиде возглас:

Диакон: Мемнан Юмына Святой.

Хор: Мемнан Юмына Святой.

Диакон: Мемнан Юмына чынак Святой.

Хор: Мемнан Юмына Святой.

Диакон: Мемнан Юмына чыла калыклан Юмо.

Хор: Мемнан Юмына Святой.

Эксапостиларий (светилен).

Моктымо псалом-влак:

Канонарх (гласын чотшым каласа): Чыла чонан Юмым моктыжо.

1-ше лик: Чыла чонан Юмым моктыжо. Господьым Пылпомыш гыч моктыза, күшнө Тудым моктыза. Юмо, Тыланет моктен мураш күлеш.

2-шо лик: Чыла суксыжо-шамыч, Тудым моктыза, чыла куатше-шамыч, Тудым моктыза. Юмо, Тыланет моктен мураш күлеш.

6-лан:

Ожнак палемдыме судым ышташ. Тиде чап Юмылан йөрышө чыла енлан лиеш.

Юмым святойжо-влак верч моктыза, Тудын куатше дене ыштыме Пылпомышто Тудым моктыза.

4-лан:

Куатше-шамыч верч Тудым моктыза, пеш кугу улмыжлан Тудым моктыза.

Пуч йүк дене Тудым моктыза, псалтирь да күсле дене Тудым моктыза.

Тимпан дене да тüşкан мурен, Тудым моктыза, кылан семүзгар дене, орган дене Тудым моктыза.

Сылне йүкан кимвал дене Тудым моктыза, кугу йүкан кимвал-шамыч дене Тудым моктыза. Чыла чонан Юмым моктыжо.

Рушарнясе стихирьлан

1-ше стих: Господь Юмо, кынел! Тыйын кидет нөлталтше. Йорло-шамычетым йөршешак ит мондо.

2-шо стих: Эй Юмо, чыла шүм-кумылем дене Тыйым ойлем, чыла öрыктарыше пашатымат каласем.

Тау Ачалан, Эргылан, Святой Шүлышлан.

Евангелийын стихирьже.

Кызытат, керек-кунамат, курым-курым мучкак. Аминь.

Богородичен, 2-шо сем:

Юмым Шочыктышо Ёдыр, Тый эн моктымо

улат. Тый дечет капым налше Иисус тамыкым сенген, Адамым луктын, каргымым пытарен, Евалан утаралтмым пуэн, колымашым пытарен, мыланна илышым пуэн. Ынде ме куанен мурена: «Тынар шуко порылыкым ыштыше Христос Юмо, Тый моктымо улат, тау Тыланет.»

Иерей: Мыланна волгыдым ончыктышо Юмо, тау Тыланет.

Кугу моктымаш

Хор: Күшылсө Юмылан тау, мланде үмбалне тыныслык да айдеме-шамычлан Юмын порылыкшо! Тыйын кугу чапет верч Тыйым моктена да порын ойлена, Тыланет кумалына да Тыйым чапландарена, Тыланет таум ыштена. Эй Юмо, Пылпомышысо Кугыжа, Чыла Кучышо Ача Юмо, Иктак улшо Эрге Юмо Иисус Христос да Святой Шүльш. Господь Юмо, уло тўнян сулыкшым Шке үмбакет налше Юмын Пача, Ача Юмын Эргыже, мемнам серлаге; уло тўнян сулыкшым Шке үмбакет Налше, мемнан сөрвалымынам йөрәтен нал. Ача Юмын пурла могорышто Шинчыше, мемнам серлаге. Иисус Христос, Ача Юмын чапше лүмеш Тый вет икте Святой улат да Тый веле Господь улат. Аминь.

Тыйым кече еда чапландарем да лүметым курымеш, курым-курымеш мокташ тўнгалам.

Господь Юмо, тачысе кечым сулык деч посна илен эртараш полшо. Мемнан ачана-шамычын Юмыжо, Тый моктымо улат, Тыйын лүмет курымеш моктымо да чапландарыме. Аминь.

Эй Юмо, Тыланет үшанен илымына самынак, мыланна Тыйын чаманымашет лийже ыле.

Юмо, Тый моктымо улат, Тыйын ончылнет чыныш лекшашлан мыйым туныкто. *(3 гана)*

Эй Юмо! Тукым гыч тукымышко Тый мемнан аралтышна улат. Мый каласышым: «Эй Юмо, мыйым серлаге, чонем паремде, вет Тыйын ончылнет мый языкыш пурышым».

Господь Юмо, вет мый Тый декет толынам. Шке эрыкетым ышташ мыйым туныкто, вет Тый мыйын Юмем улат: вет илышым пуышо памаш Тый денет, Тыйын волгыдыштет волгыдым ужына. Тыйым палыше-шамычлан чаманымашетым шукемде.

Святой Юмо, Святой Куатле, Святой Колыдымо, мемнам серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь. Святой Колыдымо, мемнам серлаге.

Святой Юмо, Святой Куатле, Святой Колыдымо, мемнам серлаге.

Ылыж кынелме нерген тропай-влак:

1, 3, 5, 7-ше сем годым:

Теве ынде тўнялан утаралтмаш тольо. Шўгар гыч Ылыж кынелшылан, мемнан илышнан Озажлан, мурена: колымыж дене колымашым пыта-рен, мыланна сенгымаш ден кугу чаманымашым пуэн.

2, 4, 6, 8-ше сем годым:

Шўгар гыч ылыж кынелше, тамыкын шинчыр-жым шалатыше да колымашлан судитлымым пытарыше Господь, Икте чот Чаманыше, Тый чылаштым тушманын вапш-сеткыж деч утаре-нат, апостол-шамычетлан Шкендым ончыктенат, нуным умылтарен туныкташ колтенат да Тыйын тынысетым нунын гоч уло тўнялан пуэнат.

Чот йодмо ектений

Диакон: Ме чыланат уло чонна да чыла шоны-машна дене сөрвален кумалына.

Хор: Юмо, серлаге.

Мемнан ачана-шамычын Чыла кучен Аш-ныше Господь Юмыжо, ме Тыланет кумалына, мемнам колышт да серлаге.

Хор: Юмо, серлаге.

Юмо, кугу чаманымашет дене серлаге, Тыйым сөрвалена, мемнам колышт да серлаге.

Хор: Юмо, серлаге. (3 гана, кажне йодмаш почеш)

Эше мемнан Кугу Господинна да Ачана – Святейший Патриарх Кирилл ден мемнан Господинна – Высокопреосвященнейший архиепископ Иоанн верч да Юмылан ўшаныше чыла иза-шольо верч кумалына.

Юмо аралыме шочмо элна верч, тудын чыла вуйлатышыже да элнам аралыше-влак верч йодына да тынысын, яндар да поро койыш-шоктыш дене илышнам эртарена.

Адак кумалына тиде святой черкым *(але: тиде святой монастырьым)* чоңышо поро пилан да курым-курымак шарныме ен-влак верч, ондак колышо ача-кочана ден иза-шольына-влак верч, тыште да моло верлаште тойымо православный чыла ен верч.

Тыгак тиде святой черкыш кумалаш коштшо иза-шольо-влак верч йодына. Юмо чылаштым чаманыже, поро илышым, тыныслыкым, тазалыкым, утаралтмашым, Шке левед ашнымыжым да сулык касарымашым пуыжо.

Тыгак тиде святой черкыште саскам кондышо

да порым ыштыше, пашаште тыршыше, мурышо, кумал шогышо да Тый дечет кугу чаманымашым вучышо-влак верч йодына.

Иерей: Тый вет Айдемым йӧратыше да поро кумылан Юмо улат, да Тыланет таум ыштена, Ачалан, Эргылан, Святой Шӱлышлан, кызытат, керек-кунамат, курым-курым мучкак.

Хор: Аминь.

Сӧрвален йодмо ектения

Диакон: Господьлан эрдене кумалмынам тичмашыш шуктена.

Хор: Юмо, серлаге.

Диакон: Эй Юмо, Шке кугу порылыкет дене мемнам чамане, утаре, серлаге да арале.

Хор: Юмо, серлаге.

Диакон: Тачысе кечым пеш сайын, яндарын, тынысын да сулык деч посна илен лекташ Юмо деч йодына.

Хор: Юмо, мыланна пу. *(Кажне йодмаш почеш)*

Чонна ден капнам аралыше да ўшанле туныктышым, тынысле суксым, Юмо деч йодына.

Мемнан сулыкнам касараш да титакнам кудалташ Юмо деч йодына.

Тӱнмялан тыныслыкым да мемнан чонлан чыла сайым да пайдалым пуаш Юмо деч йодына.

Кодшо ўмырнам тынысын да сулыкна верч
өкынен илаш Юмо деч йодына.

Орланыде, тынысын да вожылмашыш пуры-
де христиан колымаш дене колаш да Христосын
Лүдыкшө судыштыжо мыланна поро вашмутым
пуаш Юмо деч йодына.

Эн Святой, Эн Яндар, Порылан пүралтше, мок-
тымо Владычицым, мемнан Юмым Шочыкты-
шым, эреак Ёдыр улшо Мариям, чыла святой-влак
дене шарналтен, шкенам, лишыл-влакым да чыла
ильшнам Христос Юмын кидышкыже пуэна.

Хор: Тыланет, Юмо.

Иерей: Тый вет поро да Айдемым йөратыше
Юмо улат, Тыланет таум ыштена, Ачалан, Эр-
гылан, Святой Шүлышлан, кызытат, керек-куна-
мат, курым-курым мучкак.

Хор: Аминь.

Иерей: Чылалан тыныс лийже.

Хор: Тыйын шүлышетланат.

Диакон: Господьлан вуйнам савена.

Хор: Тыланет, Господь.

Священник молтивам шып лудеш.

Иерей: Мемнан Юмына, мемнам чаманаш да
утараш Тыйын эрыкет уло, да Тылат таум ыште-
на, Ачалан, Эргылан, Святой Шүлышлан, кызы-
тат, керек-кунамат, курым-курым мучкак.

Хор: Аминь.

Диакон: Кугу уш-акыл.

Хор: Порым каласе.

Иерей: Мемнан Христос Юмына эреак мок-
тымо, кызытат, керек-кунамат, курым-курым
мучкак.

Хор: Аминь. Эй Юмо, Тыланет чын ўшаны-
ше-влакын святой православный вераштым ку-
рым-курымлан пенгыдемде.

Иерей: Юмым Шочыктышо Эн Святой Ава,
мемнам утаре.

Хор: Херувим-шамыч дечат утла пагалы-
шашлык лийынат, Серафим-шамыч дечат
тагастарыдыме чапле лийынат, Тыйым, чынак
Эрге Юмым языкдеак шочыктышо Авам, кугу
улат манын моктена.

Иерей: Тау Тыланет, мемнан ўшанен илыме
Христос Юмына, тау Тыланет.

Хор: Тау Ачалан, Эргылан, Святой Шўлышлан,
кызытат, керек-кунамат, курым-курым мучкак.
Юмо, серлаге. (3 гана). Порым каласе.

Иерей отпустым каласа. Рушарнян:

Колымаш гыч ылыж кынелше Христос, мем-
нан чын Юмына, Эн Яндар Шке Аважын, тыгак
чылан моктымо да чапле святой апостол-шамы-

чын, (*көн лүмеш тиде черке да тиде кечын пагален шарныме святой-влакын лүмышт*), Христос Юмын чын илыше святой кугезыже-влак Иоаким ден Аннан да чыла святой-влакын кумалмышт дене мемнам серлага да утара, вет Тудо поро да Айдемым йӧратыше.

Хор: Юмо, мемнан Кугу Господинна да Ачана Кириллым, Москван да уло Российын Святейший Патриархшым да мемнан Господинна Высокопреосвященнейший Иоанным, Йошкар-Олан да Марий Элын архиепископшым, тиде святой черкыш кумалаш погынышо иза-шольо-влакым да Христосын чын веражым кучышо чыла еным кужу курымлан арален ашне.



ИКЫМШЕ ШАГАТ

Толза, мемнан Ашныше Юмылан кумалына.

Толза, мемнан Ашныше Христос Юмылан суken кумалына.

Толза, мемнан Ашныше Христос Юмылан Шкаланжак суken кумалына.

5-ше псалом

Эй Господь, мыйын шомакем-шамычым колышт, йүкын сөрвалымем умылен нал. Мыйын Кугыжам да мыйын Юмем, мыйын кумалме йүкем колышт: Господь, вет мый Тыланет кумалам. Эрдене мыйын кумалме йүкем колышт, эрдене эр мый Тыйын ончылнет шогалам, да Тый мыйым ужат. Вет Тый, Юмо, закондымо пашам от йөрате, осалым ыштыше ен Тыйын лишнет верым муын огеш керт. Да Тыйын шинчат ончылно закондымо-шамыч шоген огыт керт, осалым ыштыше-шамычым чылаштымат Тый ужын кертдыме лийынат. Ондалыше-шамычым чылаштым пытарет, вүр йоктарыше-шамыч дечат,

пыльгыжше айдеме дечат Юмо йырна. А мый Тыйын шуко порылыкет дене Тыйын суртышкет пурем. Тый дечет лүдын, святой черкетлан кумалам. Эй Господь! Мыйым Шке чыныштет коштыкто, тушманем-шамыч верчын мыйын корнем Шке ончылнет төрлате. Вет нунын умшаштышт чын уке, нунын шүмышт күлдымаш дене темын, логарышт виш колотка гае, йылмышт дене пыльгыжыч. Эй Юмо, нуным Шке төрлө! Шонымашышт деч коранышт ыле; шуко осаллыкышт верч нуным Шке дечет поктен колто, вет нуно Тыйым шүлыкандышт, Господь. Да Тыланет үшаныше-шамыч чыланат куанышт ыле, курым мучко пеш йывыртышт, да Тый нунын коклаште лият, да Тыйын лүметым йөратыше-шамыч Тый денет моктанаш тўнгалыт. Эй Юмо, чын дене илышылан Тый порым пүрет: Шке поро кумылет дене авыртыш гае мемнам левед аралет.

89-ше псалом

Эй Юмо! Тукым гыч тукымышко Тый мемнан аралтышна улат. Курык-шамыч лийме деч ожно, мланде ден тўням пүрымө деч ожно, курым гыч курымышко Тый улат. Вет Тый «Эй, айдеме эрге-шамыч, рокыш савырныза!» манынат гынат, айдемым үлык ит шынде. Эй Юмо, тўжем ий

Тыйын шинчат ончылно тенгече эртыше кече гае да йүд оролын жапше гае. Айдеме-шамычын үмырышт пеш күчык: эр шудо гае пыта, эрдене пеледеш да лывыжга, а кас велеш кошка да пешкыдемын йога. Вет ме Тыйын сырымет дене укешке лекна да шыдет деч пудыранышна. Мемнан закондымылыкнам Шке ончылнет пыштенат, да мемнан курымна Тыйын чуриетын волгыдыштыжо. Мемнан чыла кечына шагалеме, да Тыйын сырымет дене йомна. Мемнан үмырна энгыремыш шүртө гае начар, үмырнан кутышыжо – шымлу ий, вий шута гын – кандашлу ий, туштат шукыжо – йөсылык да чер веле, вет нуно мемнам үнгышемдат да туныктат. Тыйын чот сырыметым кө пален кертеш? Тый дечет лүдмыж годым Тыйын шыдетым кө умылен кертеш? Мыланем Шке пурла кидетым да кугу уш-акыл дене шүмыштым пенгыдемдыше-шамычым ончыкто. Эй Юмо, мемнан деке савырне, мо марте от савырне? Шке кулет-шамычлан поро лий. Эй Юмо, эрдене эрак Тыйын поро кумылет дене темын, пеш куанена да пеш йывыртена ыле, Тыйын мемнам үнгышемдыме кечет-шамыч верч, мыланна йөсылыкым ужыктыммо идалык-шамыч верч чыла кечыштат пеш йывыртена ыле. Шке кулет ден Шке пүрымет-шамычым ончо да ну-

нын эргышт-шамычымат туныкто. Мемнан Господь Юмынан волгыдыжо мыланна лийже ыле, да киднан паша лектышыже-шамычым мыланна порылан савыре, киднан паша лектышыжым порышко савыре.

100-шө псалом

Чаманымашетым да төр судетым, эй Юмо, Тыланет мурем! Мурем да языкдыме корным шонем: мый декем кунам толат? Шке суртыштем шүмем дене порым шонен коштым, Закон ваштареш лийшаш пашам шинча ончылнем шым кучо, осалым ыштыше-шамычым ужын кертдыме лийым. Ёскырт койышан шүм мыйын лишнем ыш лий, мый дечем коранше осал еным мый пален омыл. Шке лишылжым шолып титаклышым мый шке дечем поктышым; кугешнен ончышо ег дене да темдыме шүман дене пырля шым коч. Мланде үмбалсе үшанле ег-шамычым шке воктенем шындаш шинчам дене кычальым; языкдыме корно дене коштшо ег мыланем полшен илыш. Шкенжым кугулан ужшо мыйын сурт көргыштем ыш иле; шояк ойлышо ег мыйын шинча ончылнем сайыш лектын ыш керт. Закон деч посна ыштыше-шамычым чылаштым Юмын олаж гыч пытараш манын, мланде үмбалнысе чыла сулыкан-влакым мый эрдене эрак кыренам.

Тау Ачалан, Эргылан, Святой Шүлышлан,
кызытат, керек-кунамат, курым-курым мучкак.
Аминь.

Аллилуиа, аллилуиа, аллилуиа, тау Тыланет,
Юмо. *(3 гана)*

Юмо, серлаге. *(3 гана)*

Тау Ачалан, Эргылан, Святой Шүлышлан.

Кечын тропарьже

Кызытат, керек-кунамат, курым-курым муч-
как. Аминь.

Богородичен:

Поро пүрымашан Мария, Тыйым кузе лүм-
дена? Көргет гыч Чын Кечым лукметлан Тый-
ым Пылпомыш манына; Пытыдыме Пеледышым
куштымет верч Тыйым рай пакча манына; эре
нарашта улметлан Тыйым Ёдыр манына; Шке
Эргычым, чыла үшаныше енын Юмыжым, Шке
святой ондалтыштет нумалмет верч Тыйым ян-
дар Ава манына. Мемнан чоннам утараш Тудым
сөрвале.

Кугу пүтө жап гын, – тропарь, 6-шо сем:

Мыйын Кугыжам да мыйын Юмем, мыйын эр-
дене кумалме йүкем кол.

1-ше стих: Эй Господь, мыйын шомакем-шамычым колышт, йүкын сөрвалымем умыленнал.

2-шо стих: Господь, вет мый Тыланет кумалам.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Богородицен: Поро пүрымашан Мария, Тыйым кузе лүмдена ...)

Йолем Шке мутет семын виктаре, мыйым нимогай закондымылык ынже сене ыле. Ендын ондален ойлымыж деч мыйым утаре, да мый күштывает-шамычым кучем. Чуриетым Шке кулетлан волгалтаре да чыныш лукмашет-шамычлан мыйым туныкто.

Эй Юмо, умшам моктымаш дене темже, да чапетым, сылнылыкетым кече мучко моктем.

Святой Юмо, Святой Куатле, Святой Колыдымо, мемнам серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Эн Святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан осалым ыштымынам кудалте; Святой

Юмо, толын, Шке лүмет верчын, черна деч мемнам паремде.

Юмо, серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет мланде үмбалнат Пылпомышысо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Тыйын вет Кугыжанышет, куатет, кугу чапет, Ачан, Эргын, Святой Шүлышын, кызытат, керек-кунамат, курым-курым мучкак. Аминь.

Пайремын кондакше

(Кондак уке гын, але Кугу пүтө годым,

Богородичен:

Шочмын, кушкыжмын да изарнян:

Юмын Эн Чапле Аважым, святой суксо-влак дечат святойракым, шүм да умша дене чарныде мурена, Тудым Юмым Шочыктышо манына. Вет

Тудо капым налше Юмым чынжымак шочыктен да мемнан чонна верч чарныде кумалеш.

Вүргечын да кугарнян:

Христос Юмына, Тыйым вурсышо да мемнам лүдыктылшö тушманын тарзыже лияш огыл манын, мемнам ончылгочак арале. Икте Айдемым йöратыше, мемнан ваштареш кредалше-шамычым Шке Ыресет дене пытаре, да Юмым Шочыктышо Аван кумалмыж дене чын веран могай куатле улмыжым тек нуно палат.

Шуматкечын:

Чыла пүрышö Господь, Юмым шке көргыштышт нумалше мученик-шамычым уло тўня Тыланет пүртўсын эн сай саскаже семын конда. Шуко Порылыкан, нунын сөрвалымышт да Юмым Шочыктышын кумалмыж дене Тыйын Черкетым да Шке калыкетым ўшанле тынысыште ашне.)

Юмо, серлаге. *(40 гана)*

Иже на всякое время

Чыла жапыште да чыла шагатыштат, пылпомышто да мланде ўмбалнат кумалме да моктымо Христос Юмына! Тый вет кужун чытыше, чот чаманыше да шуко порылыкым пуышо улат,

яндарын илыше-шамычым йөрәтәт, языкан-шамычымат чаманет, ончыкыжым лийшашлык суапым сөрән, чыла калыкымат Шке декет утаралташ үжат. Господь, тиде шагатыште мемнан кумалмынам Тый Шке йөрәтен нал да мемнам үмырна мучко Шке пүрыметын корныштыжо коштыкто, чоннам яндареште, капнам эрыкте, шонымашнам виктаре, ушнам эрыкте да мемнам чыла түрлө ойго, шыде да чер деч утаре. Тыйын святой суксет-шамыч мемнам авырен шогышт, нунын аралымышт да туныктымышт дене чыланат ик вера да ик шонымаш дене келшен илен, лишкат мяш лийдыме Тыйын чапетым умылена ыле, Тый вет курым-курым мучкак моктымо улат. Аминь.

Юмо, серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Херувим-шамыч дечат утла пагалышашлык лийынат, Серафим-шамыч дечат танастарыдыме чапле лийынат, Тыйым, чынак Эрге Юмым язык-деак шочыктышо Авам, кугу улат манын моктена.

Юмын лүмжө дене, ачай, порым каласе.

Иерей: Эй Юмо, мыланна поро лий да порым тылане, мыланна чуриетым волгалтаре да мемнам серлаге. Аминь.

Кугу пүтө гын, кум кугу поклон да

Ефрем Сиринын молитваже:

Мыйын чонем Ашныше Юмо! Мыланем йогыланыме, ойганыме, чапле лияш төчымө да күлдымашым ойлыштмо шүлышым ит пу. *(Сукен кумал)*

Шке айдеметлан, мыланем, яндарын илыме, үнгышө лийме, чытымаш да йоратымаш шүлышым пу. *(Сукен кумал)*

Эй Юмо, Кугу Кугыжа! Мыланем иза-шольошамычым осалыш лукде илышашым да шке языкем ужын моштышашым пу. Тый вет моктымо улат курым-курумеш. Аминь. *(Сукен кумал)*

Юмо, мыйым, сулыканым, яндареште. *(Тиде молитва дене 12 изи поклон. Адак ик кугу поклон дене Ефрем Сиринын молитваже:*

Мыйын чонем Ашныше Юмо ...)

Святой Юмо, Святой Куатле, Святой Колыдымо, мемнам серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курум мучкак. Аминь.

Эн Святой Троице, мемнам серлаге; Господь Юмо, язык деч мемнам эрыкте; Ашныше Юмо,

мемнан осалым ыштымынам кудалте; Святой Юмо, толын, Шке лүмет верчын, черна деч мемнам паремде.

Юмо, серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет мланде үмбалнат Пылпомышысо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Тыйын вет Кугыжанышет, куатет, кугу чапет, Ачан, Эргын, Святой Шүлышын, кызытат, керек-кунамат, курым-курым мучкак. Аминь.

Юмо, серлаге. *(12 гана)*

Христе, Свете истинный

Христос Юмо, Тый чын Волгыдо улат, тўняшке толшо чыла еным волгалтарет да святитлет. Тыйын чуриетын волгыдыжо мемнан үмбалне лийже, да лишемаш лийдыме волгыдетым тушто ужына, да Тыйын Эн Яндар Аватын да чыла

святоетын кумалмышт дене мемнан йолнам
Тыйын күштывашет-шамычым шукташ виктаре.
Аминь.

Взбранной Воеводе

Юмым Шочыктышо Ёдыр, Тылат, чылам
сенгыше Воеводылан, мемнам шыгыр гыч утары-
метлан ме, Тыйын йордымө кулет-шамыч, таум
ыштена да, Тыйым моктен, Сенгымаш мурым
мурена. Тый сенгыдыме виет дене мемнам керек-
могай ойго гычын утаре. Меат Тыланет тыге ка-
ласена: о, Поро Яндар Ёдыр, йывырте.

Тау Ачалан, Эргылан, Святой Шүлышлан,
кызытат, керек-кунамат, курым-курым мучкак.
Аминь.

Юмо, серлаге. *(3 гана)*

Порым каласе.

Священник отпустым каласа:

Христос, мемнан чын Юмына, Эн Яндар
Шке Аважын, преподобный да Юмым шке
көргыштышт нумалше ача да чыла святой-вла-
кын сөрвалымышт дене мемнам серлага да ута-
ра, вет Тудо поро да айдемым йоратыше. Аминь.



КУМШО ШАГАТ

Иерей: Мемнан Юмына моктымо лийже, кызытат, керек-кунамат, курым-курым мучкак.

Лудшо: Аминь. Тау Тыланет, мемнан Юмына, Тау Тыланет.

Пылпомышысо Кугыжа, Чынлан туныктен йывыртктыше Шүлыш, Тый чыла вере улат, чыла ситарет, керек-могай порылыкат Тый дечет лектеш, илышым Тый пуэт, көргышкына толын пурен иле, чыла осал дечат мемнам эрыкте, Поро Юмо, мемнан чоннам утаре.

Святой Юмо, Святой Куатле, Святой Колыдымо, мемнам серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Эн Святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан осалым ыштымынам кудалте; Святой Юмо, толын, Шке лүмет верчын, черна деч мемнам паремде.

Юмо, серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет мланде үмбалнат Пылпомышысо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Иерей: Тыйын вет Кугыжанышет, куатет, кугу чапет, Ачан, Эргын, Святой Шүлышын, кызытат, керек-кунамат, курым-курым мучкак.

Лудшо: Аминь. Юмо, серлаге. (12 гана)

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Толза, мемнан Ашныше Юмылан кумалына.

Толза, мемнан Ашныше Христос Юмылан сукен кумалына.

Толза, мемнан Ашныше Христос Юмылан Шкаланжак сукен кумалына.

16-шо псалом

Эй Юмо, мыйын чынем колышт, сөрвалымем йөрәтен нал, ондалдыме умшам дене кумал-мем пылышышкет пыште. Төрлымаш мыланем

Тый дечет лийже, мыйын шинчам чыным ужшо ыле. Мыйын шүмем тергышыч, йүдымат ужыч, тул дене тергышыч гынат, мыйын шоякем ыш лий. Мыйын умшам егын ыштымыжым ынже ойло манын, Тыйын умшат каласыме шомак почеш мый неле корным кучышым. Мыйын йолем Шке йолгорнет дене коштыкто, йолем йонгылыш ынже тошкал ыле. Эй Юмо, мый Тыйым йүкын сөрвалышым, вет Тый мыйым колыштат, пылышетым мый декем лишемде да мыйын кумалмем колышт. Тыланет үшаныше-шамычым Тыйын пурла кидет ваштареш шогышо-шамыч деч ута-ре да поро кумылетым öрыктарен ончыкто. Господь, шинчасортам аралыме гае Шке шулдырет йымалне мыйым шыгыремдыше осал ег-шамыч деч арале: тушманем-шамыч мыйын чонем авырышт, Поянлыкышт дене шүмыштым пешкыдемден, йылмышт дене кугешнен ойлат. Мыйым поктышо-шамыч мыйым авырен налыч, мыйым мландышке йöрыкташ манын, шинчашт дене тура ончат: Кучаш төчышö лев гае, улакыште шинчыше самырык лев гае, нуно мыйым ванген шинчышт. Эй Юмо, кынел, нуным ончылто да нуным чаре: осал-шамыч деч, кидетлан ваштареш шогышо тушман-шамыч деч кердет дене

мыйын чонем утаре. Эй Юмо, мланде үмбалне шагал улшо деч илымышт годымак нуным ой-ыро: кеч Тыйын погет дене нунын шүмышт темын, эргышт-влакат темыныт, кодшыжым тыгыде икшывыштлан коденыт, А мый гын чынем дене Тыйын чуриет ончылан шогалам да Тыйын чапетым ужмем дене темам.

24-ше псалом

Эй Господь, чонемым Тый декет нөлтышым. Мыйын Юмем! Мый Тыланет үшанышым, да курымеш мыйым вожылмашке ит пурто ыле, да тушманем-шамычат мыйым ынышт воштыл ыле. Вет Тыланет үшаныше-шамыч иктат вожылмашке огыт пуро. Да арамак осалланыше-шамыч вожылышт. Эй Юмо, корнет-шамычым мыланем ончыкто да йолгорнет-шамычым мыланем палдаре. Мыйым Шке чыныштет коштыкто да мыйым туныкто, Тый вет мыйын Утарыше Юмем улат, да чыла кечын мый Тыланет үшанышым. Эй Юмем, курым годсек сөрымö порылыкетым да чаманыше кумылетым ушышкет нал. Эй Юмо, рвезем годом палыде ыштыме языкем-шамычым ушышкет ит нал, Шке чаманымет верч да поро кумылет дене мыйым ушышкет пыште. Юмо поро да чын, сандене илыш корнышто языкым

ыштыше-шамычлан Тудо законым пуа. Ёнгышө-шамычым чынлан туныкта, Шке корныжымат ёнгышө-шамычлан палдара. Тудын законжым да шөдымыжым кычалше-шамычлан Юмын чыла корныжо — чаманымаш да чын. Эй Юмо, Шке лөмет верчын мыйым языкем деч эрыкте, вет мыйын языкем пеш шуко. Юмо Шке законжым Юмо деч лөдын илышылан Шке эрыкше дене почеш. Тудын чонжо ласкалыкышке пура, да тудын тукымжылан мланде лиеш. Юмо Шке дечше лөдшө-шамычын пенгыдылыкше, да нуным Шке шөдымыжлан туныкта. Мыйын шинчам эре Юмым онча, вет Тудо мыйын йолем опыш гыч луктеш. Эй Юмо, мыйым чамане, мыйым серлаге, мый вет шкет улам да йорло улам. Чонемын ойгыжо чот шукемын, орлыкем гычын мыйым лук. Мыйын ёнгышылыкем да йөсланымем уж да чыла языкемат кудалте. Тушманем-шамыч шукеммым уж: осал көранымаш дене нуно мыйым ужмышудымо лийыныт! Мыйын чонем арале да мыйым утаре, да Тыланет ёшанымемлан верч вожылмашке ом пура. Эй Юмо, Тыланет ёшанымем ужын, осалым ыштыдыме-шамыч да чын дене илыше-шамыч мый декем ушнышт. Эй Юмо, Израильым чыла ойгыж дечат утаре.

50-ше псалом

Эй Юмо, Шкендын кугу кумылет дене мыйым серлаге да шуко порым шонымет дене осалем дечын мыйым эрыкте. Осалем дечын чарныдеак мушкын, языкем дечын мыйым эрыкте. Вет осалым ыштымем мый шинчем, да мыйын языкем эре ушыштемак коштеш. Тыйын ончылнет языком ыштенам да Тыйын шинчат ончылно осал пашам ыштенам, Тыйын каласымет раш да языкем верчын мыйым судитлымет төрак. Вет авам мыйым языкеш иландарен, да мый шочмем годымак яндар шочын омыл. Тый чон дене көргыштө төр шонымым йөрәтәт: пален шуктыдымо Тыйын законетым мыланем умылтарен туныкто. Тый иссоп выньык дене мыйын үмбакем шыжыкте да мыйым эрыкте, мыйым мушкын, лум дечат чот ошым ыште. Куанышашлык да йывыртышашлык шомакым мыланем колыкто: Тый дечет лүдшө луэм йывыртыкте. Мыйын языкем-шамычым Тыйын шинчат ынже ончал, да чыла осалым ыштымем деч мыйым эрыкте. Эй Юмем, мыйым яндар шүманым ыште да мыйын көргыштем чын шүлышым уэмде. Чурий ончычет мыйым ит кудалте да мый дечем Святой Шүлышетымат шупшын ит нал. Утаралтшашым да йывыртышашым мыланем пу да Ашны-

ше Шүлышет дене мыйым пенгыдемде. Осалым
ыштыше-шамычым Тыйын корнетлан туныктем,
да языкан-шамыч Тый декет савырнат. Юмем,
вүр йоктарыме орлык дечын мыйым утаре, Ута-
рыше Юмем, мыйын йылмем Тыйын чын оетлан
куана. Господь, мыйын умшам почат гын, Тыйын
кугу лүметым чапландарем. Надырым налмет
шуэш гын, пуэм ыле, но йүлалтен пуымо жерт-
вым Тый от йөрате. Юмылан надыр – ойгырышо
шүлыш, ойгырышо да үнгышö шүмым Юмо из-
иеш ок пыште. Эй Юмо, Шке порылыкет дене
Сион калыклан порым ыште, да Иерусалим олан
пырдыжше тек нөлталалтеш. Тунам чынын на-
дыржым, нөлтал пуымым да чыла йүлалтымым
йөратен налат; тунам Тыйын алтарет үмбака пре-
зе-шамычым пыштат.

Тау Ачалан, Эргылан, Святой Шүлышлан,
кызытат, керек-кунамат, курым-курым мучкак.
Аминь.

Аллилуиа, аллилуиа, аллилуиа, тау Тыланет,
Юмо. *(3 гана)*

Юмо, серлаге. *(3 гана)*

Тау Ачалан, Эргылан, Святой Шүлышлан.

Кечын тропарьже.

Кызытат, керек-кунамат, курым-курым муч-
как. Аминь.

Богородице, ты еси лоза истинная

Юмым Шочыктышо, Тый мыланна илыш Саскам куштышо чын орланге улат. Кучен Ашнышын Аваже, ме Тыйым сөрвалена: мемнан чоннам утарышаш верч святой апостол-шамыч дене пырля кумал.

(Кугу пүтö годым – тиде тропарь, 6-шо глас:

Эн Святой Шүлышетым кумшо шагатыште Шке апостолет-шамычлан колтышо Поро Юмо, мемнан деч Тудым поген ит нал да Тыйым сөрвалыше-шамычым уэмде.

1-ше стих: Эй Юмем, мыйым яндар шүманым ыште да мыйын көргыштем чын шүлышым уэмде.

2-шо стих: Чурий ончычет мыйым ит кудаalte да мый дечем Святой Шүлышетымат шупшын ит нал.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Богородицен: Юмым Шочыктышо, Тый мыланна илыш Саскам куштышо чын орланге улат. Кучен Ашнышын Аваже, ме Тыйым сөрвалена: мемнан чоннам утарышаш верч святой апостол-шамыч дене пырля кумал.)

Господь Юмо моктымо, Юмо чыла кечынат моктымо, утарыше Юмына мыланна полшаш вашка. Мемнан Юмына – утарыше Юмо.

Святой Юмо, Святой Куатле, Святой Колыдымо, мемнам серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Эн Святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан осалым ыштымынам кудалте; Святой Юмо, толын Шке лүмет верчын, черна деч мемнам паремде.

Юмо, серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет мланде үмбалнат Пылпомышысо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Иерей: Тыйын вет Кугыжанышет, куатет, кугу чапет, Ачан, Эргын, Святой Шүлышын, кызытат, керек-кунамат, курым-курым мучкак. Аминь.

**Тачысе кечын, святойын але
пайремын кондакше.**

(Пүтө годым але кондак уке годым, нине тропарь-влак, 8-ше глас:

Мемнан Христос Юмына, Тый моктымо улат. Тунемшет-шамычлан Святой Шүлышым колтенат, нуным кугу уш-акыланым ыштен, уло тўням туныктенат. Айдемым йоратыше Юмо, тау Тыланет.

Тау Ачалан, Эргылан, Святой Шүлышлан.

Шүлыкан улмына годым, Иисус, Шке кулет-шамычлан лыпланымашым вашке да палаш лийшын пу; ойгышто улмына годым мемнан чонна деч ит коран; шыгырыште улмына годым шонымашна деч ит ойырло, мемнам ончылгоч шижтарен шого. Чыла вере Улшо, мемнан деке тол, лишем да, Шке апостолет-шамыч дене эре пырля улмет самынак, Тыйым йоратыше-влакым Шке декет ушо, да иктеш ушнен, Тыланет мурена да Тыйын Эн Святой Шүлышетым моктена.

Кызытат, керек-кунамат, курым-курым мучкак. Аминь.

Юмым Шочыктышо да Эн Яндар, христиан-влаклан Тый ўшан, полшышо, арален налше да сенаш лийдыме пырдыж улат, вийым йомдарыше-влаклан ўшык вер улат. Чыла моктымо Ўдыр, чарныде кумалмет дене уло тўням утарымет се-мынак, мемнамат шарналте.)

Юмо, серлаге. *(40 гана)*

Иже на всякое время

Чыла жапыште да чыла шагатыштат, пылпо-мышто да мланде ўмбалнат кумалме да моктымо Христос Юмына! Тый вет кужун чытыше, чот чаманыше да шуко порылыкым пуышо улат, яндарын илыше-шамычым йўратет, языкан-шамычымат чаманет, ончыкыжым лийшашлык суапым сўрен, чыла калыкымат Шке декет утаралташ ўжат. Господь, тиде шагатыште мемнан кумалмынам Тый Шке йўратен нал да мемнам ўмырна мучко Шке пўрыметын корныштыжо коштыкто, чоннам яндареште, капнам эрыкте, шонымашнам виктаре, ушнам эрыкте да мемнам чыла тўрлў ойго, шыде да чер деч утаре. Тыйын святой суксет-шамыч мемнам авырен шогышт, нунын аралымышт да туныктымышт дене чыланат ик вераште да ик шонымаште келшен илен, лишкат мяш лийдыме Тыйын чапетым умылена ыле, Тый вет курым-курым мучкак моктымо улат. Аминь.

Юмо, серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Херувим-шамыч дечат утла пагалышашлык лийынат, Серафим-шамыч дечат тагастарыдыме чапле лийынат, Тыйым, чынак Эрге Юмым язык-деак шочыктышо Авам, кугу улат манын моктена.

Юмын лүмжө дене, ачай, порым каласе.

Иерей: Мемнан святой ачана-влакын кумалмышт дене, Господь Иисус Христос, мемнан Юмына, мемнам серлаге.

Лудшо: Аминь.

Святой Мардарийын молитваже

Эй, Чыла Кучен Ашныше Ача Юмо, Ик-так улшо Эрге Юмо Иисус Христос да Святой Шүлыш, ик Юмо, ик куат, мыйым, языканым, серлаге да мыйым, йөрдымө кулетым, Шке шинчымет да кертмет семын утаре, Тый вет курым-курым мучкак моктымо улат, аминь.



КУДЫМШО ШАГАТ

Толза, мемнан Ашныше Юмылан кумалына.

Толза, мемнан Ашныше Христос Юмылан су-
кен кумалына.

Толза, мемнан Ашныше Христос Юмылан
Шкаланжак сукен кумалына.

53-шо псалом

Эй Юмо, Шке лүмет верчын мыйым утаре
да Шке куатет дене мыйым судитле. Эй Юмо,
мыйын кумалмем кол, каласыме мут-шамычем
колышт! Вет өрдыж ең-шамыч мыланем вашта-
реш шогальыч, куатан-шамыч чонем кычальыч
да Юмым шке ончылнышт ышт кучо. Теве мы-
ланем Юмо полша, да Господь – мыйын чонем
аралыше. Тушман-шамычын осалыштым шкешт
декак савыра: Шке чынлыкет дене нуным пыта-
ре. Тыланет шке эрыкем дене надырым кондем,
эй Юмо, Тыйын лүметым моктем, вет Тудо сай.
Вет Тый мыйым түрлө ойго гыч утарышыч, да
мыйын шинчам тушман-шамыч үмбаке онча.

54-ше псалом

Эй Юмо, мыйын кумалмем колышт да мыйын сөрвалымем йөрдымыш ит лук. Мыйым ушешет пыште да мыйым колышт: ойгем дене орланен пытышым, Да тушманын ойлымыжо дене, языкан енын шыгыремдыме дене чонем пудыраныш, вет мыйым закондымын титаклышт да шыдышт дене мыланем осалым ыштышт. Мыйын көргыштем шүмем пудыраныш, да колымаш деч лүдмаш чонышкем пурыш. Лүдмем дене мый чытырышым, да мыйым пычкемыш леведе. Мый каласышым: кө мыланем көгөрчен шулдыр гае шулдырым пуа? Да мый чонештен каем да лыпланем ыле. Теве мый мүндыркө куржым да ир мландыште илышаш верым муым. Лүдмаш деч, тўтан мардеж деч мыйым утарымыжым Юмо деч вучышым. Эй Юмо, нуным вўдыш пуртен колто да йылмыштымат луген пытаре, вет олаште закондымылыкым да вурседылымым ужым: Йүдшө-кечыже нуно ола пырдыж йыр коштыт, тудын покшелныже — закондымылык, орлык да ондалымаш. А уремлашт гыч утыждене налмаш да осал чоялык ок коран. Мыйым тушман вурса ыле гын, мый чытем ыле, мыйым ужын кертдыме ен ончылнем кугешнен ойла ыле гын, мый туд-деч шылам ыле. Тыйже, мый денем ик шўлышан

ен, мыйын кумыл тангем да мыйын лишылем,
Мый денем пырля кочкын-йўын илыше енем
улат, Юмын пёртышкыжат ик шонымаш дене
пырля коштна. Нунын деке колымаш толжо, да
илышынекак тамыкышке волен кайышт, вет ну-
нын суртыштышт да нунын коклаште эре чояла-
нымаш. Мый Юмылан сөрвален кумальым, да
Юмо мыйым колышто. Кастенат, эрденат, кечы-
валымат Тудлан каласем да увертарем, да Тудо
йўкем колеш. Мый декем лишемше-шамыч деч
чонемым тыныслын утара, вет нуно мыйын йы-
рем пеш шукын улыт. Курым дечат ожно улшо
Юмо колеш да нуным ўнгышемда: вет нуно огыт
вашталт да Юмо деч лўдын огытыл. Тудо нуны-
лан пёртылташ кидшым шуйыш: нуно Тудын
шўдымыжым пудыртышт, Юмын шыдештше чу-
рийже деч нуно шаланен пытышт. Шўмышт дене
лишемыч гынат, мутышт ўй дечат пушкыдо гы-
нат, нуно пўсö умдо улыт. Тый ойгетым Юмылан
пыште, да Тудо тыйым тема: Юмылан йöрышö
енгым Тудо курымеш ок кудалте. Эй Юмо, Тый
осал-шамычым колымаш вынемышке волтен
колтет: вўр йоктарыше да чояланыше-шамыч
ўмырыштын пелышкыжат огыт шу. Эй Юмо,
мыйже Тыланет ўшанем.

90-шо псалом

Күшылсын полшымыж дене илыше ең Пыл-
помышысо Юмын леведышыже йымалне лы-
плана, Юмылан каласа: «Полшышем мыйын,
Аралтышем мыйын, Юмо, Тый улат, мый Ты-
ланет үшанем». Тудо тыйым кучышо-шамычын
оптышышт гыч луктеш, аяр шомак дечат утара,
Шке вачыж дене тыйым авыра, тый Тудын шул-
дыржо йымалне үшанен илет, Тудын чынлыкше
Тыйым саркурал дене авыра. Йүдым лүдыктышө
дечат, кечывалым лүйымö чонештыше пикш де-
чат, Пычкемыште коштшо осал дечат, чер дечат,
тура кечывалымсе ия дечат от лүд. Тыйын вокте-
нет тўжем йөрлеш, пурла могырыштет лу тўжем
йөрлеш, а тый декет огеш лишем. Шке шинчат
дене ончет да сулыкан-шамычлан орлык лийша-
шым ужат. «Үшанымем мыйын, Юмо, Тый улат»
манынат да миен пурымо веретлан Күшылсым
ойыренат. Тыланет нимогай йөсат ок лий, тыйын
капетлан нимогай сусырат ок тўкнө. Вет Юмо
тыйын нерген Суксыжо-шамычлан күшта: кош-
тмо корныштет тыйым аралыкта. Тыйын йолет
кү пелен шүртнбымö дечын нуно тыйым шке
кидышкышт нөлтал налыт. Аспид ден василиск
кишкым тошкалат, левым да кугу кишкымат
лаштыртет. «Мыланем үшанымыжлан верч Мый

тудым утарем, Мыйын лүмем палымыжлан верч
Мый тудым левед аралем. Мыйым сөрвалымыж
годым колыштам, орлыкшо годымат Мый тудын
дене лиям, Мый тудым утарем да чапландарем,
Мый тудым кужу үмыраным ыштем да тудлан
Шке утарымашемым ончыктем».

Тау Ачалан, Эргылан, Святой Шүлышлан,
кызытат, керек-кунамат, курым-курым мучкак.
Аминь.

Аллилуиа, аллилуиа, аллилуиа, тау Тыланет,
Юмо. *(3 гана)*

Юмо, серлаге. *(3 гана)*

Тау Ачалан, Эргылан, Святой Шүлышлан.

Кечын тропарьже.

Кызытат, керек-кунамат, курым-курым муч-
как. Аминь.

Богородичен:

Языкна шуко дене мемнан тептерна ок сите.
Юмым Шочыктышо Ёдыр, Шке дечет Шочшым
мемнан верч сөрвале. Ашныше Юмын поро ку-
мылжым савыраш Аван кумалмыже чот пол-
ша. Эн Яндар, Тый мемнан, сулыкан-шамычын,
сөрвалымынам ит шүкал. Тыйын Эргыч вет поро
да утарен кертше, Тудо шке кумылын мемнан
верч орлыкым чытен.

(Кугу пүтө гын, тиде тропарь, 2-шо глас:

Райыште Адамын шекланыде ыштыме язык-шым кудымшо кечын кудымшо шагатыште Ырес пелен пудалыше Христос Юмо, мемнан языкнам возымымат кушкед шу да мемнам утаре.

1-ше стих: Эй Юмо, мыйын кумалмем колышт да мыйын сөрвалымем йөрдымыш ит лук.

2-шо стих: Мый Юмылан сөрвален кумалым, да Юмо мыйым колышто.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Богородицен: Языкна шуко дене ...)

Шке порылыкетым мыланна вашке колто, эй Юмо, вет ме пеш йорлештна. Утарыше Юмына, лүмет чаплалтшаш верч мыланна полшо. Эй Господь, мемнам утаре да Шке лүмет верч мемнан языкнам эрыкте.

Святой Юмо, Святой Куатле, Святой Колыдымо, мемнам серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Пеш Святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан осалым ыштымынам кудалте; Святой

Юмо, толын, Шке лүмет верчын, черна деч мемнам паремде.

Юмо, серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет мланде үмбалнат Пылпомышысо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Иерей: Тыйын вет Кугыжанышет, куатет, кугу чапет, Ачан, Эргын, Святой Шүлышын, кызытат, керек-кунамат, курым-курым мучкак. Аминь.

Пайрем кондак.

(Кугу пүтө гын, тиде тропарь, 2-шо глас:

Христос Юмо, эн яндар Шке кидетым Ыресеш шаралтенат да, «Господь Юмо, Тыланет чап лийже!» манше чыла калыкым поген, мланде үмбалам утарымашым ыштенат.

Тау Ачалан, Эргылан, Святой Шүлышлан.

Поро Юмо, Тыйын эн яндар түсетлан сукен

кумалына да мемнан сулыкнам касараш йодына. Капет дене Ыресыш нөлталалташ шке кумылын келшыше Христос Юмо, Шке пүрыметшамычым тушманлан служитлыме деч утаре. Тунам Тыланет кугу йүкын таум ыштена: тўням утараш толшо мемнан Утарышына, Тый чылаштымат куан дене теменат.

Кызытат, керек-кунамат, курым-курым мучкак. Аминь.

Шочмын, кушкыжмын да изарнян – Богородичен:

Юмым Шочыктышо, мемнам чамане, Тый вет чаманымашын тўнгалтышыже улат, сулыкым ыштыше ең-влак ўмбакаат ончал да курым-курымак улшо виетым ончыкто. Ме, Тыланет ўшанышевлак, капдыме суксо-влакын Архистратигше Гавриилын каласымыж семынак, Тыланет «Куане!» манына.

Вүргечын да кугарнян – Крестобогородичен:

Юмым Шочыктышо Ўдыр, Тый эн моктымо улат, ме Тыланет мурена: Тыйын Эргычын Ыресше дене тамык сенгалтын да колымаш колен, колышо-влак кынелыныт да илышлан йөрышө лийыныт, райын курымаш порылыкышкыжо пуреныт. Тидын верч таум ыштен, чыла кучышо

Христос Юмынам, икте Чот Чаманышым, моктена.)

Юмо, серлаге. *(40 гана)*

Иже на всякое время

Чыла жапыште да чыла шагатыштат, пылпомышто да мланде үмбалнат кумалме да моктымо Христос Юмына! Тый вет кужун чытыше, чот чаманыше да шуко порылыкым пуышо улат, яндарын илыше-шамычым йөратет, языкан-шамычымат чаманет, ончыкыжым лийшашлык суапым сөрэн, чыла калыкымат утаралташ Шке декет ұжат. Господь, тиде шагатыште мемнан кумалмынам Тый Шке йөратен нал да мемнам үмырна мучко Шке пүрыметын корныштыжо коштыкто, чоннам яндареште, капнам эрыкте, шонымашнам виктаре, ушнам эрыкте да мемнам чыла түрлө ойго, шыде да чер деч утаре. Тыйын святой суксет-шамыч мемнам авырен шогышт, нунын аралымышт да туныктымышт дене чыланат ик вераште да ик шонымаште келшен илен, лишкат мяш лийдыме Тыйын чапетым умылена ыле, Тый вет курым-курым мучкак моктымо улат. Аминь.

Юмо, серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Херувим-шамыч дечат утла пагалышашлык лийынат, Серафим-шамыч дечат танастарыдыме чапле лийынат, Тыйым, чынак Эрге Юмым язык-деак шочыктышо Авам, кугу улат манын моктена.

Юмын лүмжө дене, ачай, порым каласе.

Лудшо: Аминь.

Святитель Василий Великийын молитваже:

Эй Юмо, Куат-шамычын Господьшо да чыла илышым Пүрышө, поро шүметын висен керташ лийдыме кугу чаманымашыж дене Шкендын Ик Шочмо Эргычым, мемнан Господь Иисус Христосым, айдеме тукымым утараш колтенат да мемнан язык-шамычнам возымым Тудын Чот Жаплыме Ыресше дене кушкедынат, тидын дене тамыкын тўнгалтышыж ден властьше-шамыч-шым сененат. Айдемым йөратыше да Кучен Ашныше Юмо, мемнан, языкан-шамычын, таум ыштен да сөрвален кумалмынам Тый Шкеак йөрәтен нал да мемнам мучаш мартеак йомдарыше да шучко языкланымына деч да мемнам ойгандараш кычалше ужмо да уждымо тушман-шамыч деч утаре. Мемнан чон ден капнам Тый дечет лүдмашыш пудале, мемнан шүмнам осал мутыш але йөрдымө шонымашыш ит пурто; мемнан чоннам Тыйым йөрәтымаш дене теме,

да эре Тыйым ончен, Тый дечет лекше волгы-
дын туныктымьж дене, Тый декет лишемаш
лүдыкшö да курымак улшо Волгыдетым ончен,
Тыланет, Түналтышдыме Ачалан, Ик Шочмо
Эргыч ден Эн Святой, Поро да Ылыжтарыше
Тыйын Шүлышетлан, чарныде таум ыштена
да кумалына, кызытат, керек-кунамат, курым-
курым мучкак. Аминь.



ИНДЕШЫМШЕ ШАГАТ

Иерей: Мемнан Юмына моктымо лийже, кызытат, керек-кунамат, курым-курым мучкак.

Лудшо: Аминь. Тау Тыланет, мемнан Юмына, Тау Тыланет.

Пылпомышысо Кугыжа, Чынлан туныктен йывырткытыше Шүлыш, Тый чыла вере улат, чыла ситарет, керек-могай порылыкат Тый дечет лектеш, илышым Тый пуэт, көргышкына толын пурен иле, чыла осал дечат мемнам эрыкте, Поро Юмо, мемнан чоннам утаре.

Святой Юмо, Святой Куатле, Святой Колыдымо, мемнам серлаге. (3 гана)

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Эн Святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан осалым ыштымынам кудалте; Святой Юмо, толын, Шке лүмет верчын, черна деч мемнам паремде.

Юмо, серлаге. (3 гана)

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет мланде үмбалнат Пылпомышысо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Иерей: Тыйын вет Кугыжанышет, куатет, кугу чапет, Ачан, Эргын, Святой Шүлышын, кызытат, керек-кунамат, курым-курым мучкак.

Лудшо: Аминь. Юмо, серлаге. *(12 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Толза, мемнан Ашныше Юмылан кумалына.

Толза, мемнан Ашныше Христос Юмылан сукен кумалына.

Толза, мемнан Ашныше Христос Юмылан Шкаланжак сукен кумалына.

83-шо псалом

Куат-влакын Юмыжо, Тыйын илыме верет-шамыч пеш йöратыме улыт! Мыйын уло чонем Юмын суртлашкыже пеш чот мийынеже, шүмем

ден капемат, илыше Юмо дене лийына манын, йывыртен шогат. Кайыкат илаш верым муэш, көгерченат игыже-шамычлан пыжашым ышта: мыланемже, куат-влакын Юмыжо, эй Кугыжа, эй Юмем, Тыйын алтарет-шамыч тыгай улыт! Тыйын пörтыштет илыше-шамыч поро пиалан улыт: нуно Тыйым курым гыч курымышко моктат. Тыйын аралыме да шортмо вер гыч Тыйын шүдымө верышке мийышашым шүмыштыжө кучышо ең поро пиалан, вет Законом Лукшо тудлан порылыкым ышта. Тыгай-шамыч утыр да утыр виянгыт, нунылан Сионышто юмо-шамычын Юмыжо конча. Эй Господь, куат-шамыч Юмо! Кумалмем кол, эй, Иаковын Юмыжо, колышт! Эй, мемнам аралыше Юмо, ончо да святой үй дене шүрымө Шке егетын чурийжым уж! Вет Тыйын кудывечыштет эртарыме ик кече тўжем кече дечат сайрак: языкан-шамычын пörтыштышт илымешке, Юмемын пörтшө ончылно кием ыле. Вет Юмо чаманымашым да чыным йөрата, Юмо порылыкым да чапым пуа. Осалым шоныде коштшо-шамычым Юмо порылык деч посна огеш кодо. Эй Господь, куат-шамыч Юмо, Тыланет үшаныше ең поро пиалан!

84-ше псалом

Эй Юмо, Тый Шке мландетлан порылыкым ыштенат да Иаковын тукумжым плен гыч пörтылтенат, Калыкетын закон деч посна илыме сулыкшым кудалтенат, нунын чыла языкштым леведынат. Чыла шыдетым чаренат, чот сырымет деч корангынат. Эй, утарыше Юмына, мемнам савырен кондо да чот сырыметым мемнан деч коранге. Ала Тый мыланна курымеш шыдешкаш тўнгалат? Ала шыдетым тукум гыч тукумышко кучет? Эй Юмо, Тый мемнам угыч ылыжтен кынетет, да Тыйын калыкет Тыйын верчет куана. Эй Юмо, мыланна порылыкетым ончыкто да Шке утарымашетым мыланна пөлекле. Господь Юмын мыланем мом ойлымыжым колыштам: кузе Тудо Шке калыкшылан, Шкаланже йöрышö-шамычлан да Тудын дек шүмышт дене савырныше-шамычлан тыныслыкым каласа. Шке дечше лүдшö-шамычлан Тудын утарымашыже лишнак, тыге Тудо мемнан мландышкына чапландарымышым пурта. Чаманымаш ден чынлык вашлийыныт, чын ден тыныслык ушналтыныт! Чынлык мланде үмбачын волгалтын, чын пылпомыш гыч волен. Вет Юмо порылыкым ышта, да мландына саскажым пуа. Чынже Тудын ончычшо толеш да шке йолкопажым корныш шында.

85-ше псалом

Эй Юмо, пылышетым пыште да мыйым колышт, вет мый йорло да незер улам. Чонемым арале, вет мый Тыланет йорышо улам. Эй Юмем, Тыланет ушаныше кулетым утаре. Эй Юмо, мыйым серлаге, вет мый кече еда Тыйым сөрвалем. Шке кулетын чонжым йывырткыте, вет мый чонем дене Тый декет нөлталалтым. Вет Тый, Юмо, Тыйым сөрвалыше-шамычлан чылаштанат поро, унышо да шуко порым ончыктышо улат. Эй Юмо, сөрвалымем колышт да кумалме мутемлан пылышетым савыре. Ойган кечыштем мый Тыйым сөрвалышым, вет Тый мыйым колыштыч. Эй Юмо, юмо-шамыч коклаште Тыйын гае иктат уке, пашашт денат Тыйын гай күкшытан уке. Эй Юмо, Тыйын пүрымө калык-шамыч чыланат ончыкет толыт да Тыланет кумалыт, Тыйын лүметым чапландарат: Вет Тый кугу улат да öрыктарыше паша-шамычым ыштыше Тый улат, Тый Икте Юмо улат. Эй Юмо, мыйым Шке корнышкет шогалте, да мый чыныштет кошташ тунгалам, Тыйын лүмет деч лүдын, шүмем йывыртыже ыле. Господь Юмем, уло кумылем дене Тыланет ойлем да Тыйын лүметым курымеш чапландарем. Вет Тыйын мылам ыштыме порылыккет кугу, да Тый мыйын чонемым

тамыкын эн пундашыж гыч утарышыч. Эй Юмо, закон деч посна илыше-шамыч мыйын вашта-решем шогальыч, да виян-шамыч, погынен, чо-немым кычалыч. Тыйым нуно шке ушыштышт ышт кучо. Тыйже, Господь Юмем, поро кумы-лан да еным чаманыше, кужун чытыше, шуко порылыкан да чын улат, Мыйын үмбакем ончал да мыйым серлаге, Шке рвезетлан куатетым пу да Тыйым жаплен илыше кул ўдырамашын эр-гыжым утаре. Эй Юмо, мыйын үмбалан поро палым ончыкто: мыйым ужын кертдыме-шамыч мыланем полшыметым да лыпландарыметым ужышт да вожылышт ыле.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Аллилуиа, аллилуиа, аллилуиа, тау Тыланет, Юмо. *(3 гана)*

Юмо, серлаге. *(3 гана)*

*(Кугу пүтө гын, кафисмым лудына,
вара тиде тропарь, 8-ше глас:*

Индешымше шагатыште мемнан верч капет дене колышо Христос Юмо, мемнан капын осал-лан ажгынымыжым пытаре да мемнам утаре.

1-ше стих: Эй Юмо, кумалмашем Тый декет лишемже ыле; Шке мутет семын мыланем ушым пу.

Хор: Индешымше шагатыште мемнан верч ...

2-шо стих: Эй Юмо, йодмашем Тый декет шужо ыле, Шке мутет семын мыйым утаре.

Хор: Индешымше шагатыште мемнан верч ...)

Кугу пүтö огыл гын:

Кечын тропарьже.

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Богородичен:

Поро Юмо, мемнан верч Ёдыр деч шочынат, пудалымым чытенат, колымет дене колымашым сененат, Юмо улмет дене ылыж кынелмашым ончыктенат. Чаманыше Юмо, Шке кидет дене пүрен ыштемет-шамычым ужмышудымо ит лий; айдемым йöратыметым ончыкто, Тыйым Шочыктышо Аватын мемнан верч сөрвалымыжым шотыш нал. Утарыше, мемнам, ўшаным йомдарыше енет-шамычым, утаре.

Шке лүмет верч мемнам йөршешланак ит кодо да Тый денет ушнымашым ит пудырто, Тыйын йöратымет Авраам да Исаак кулет верч, да Тыйын

Святой Израилет верч Шке чаманымашетымат мемнан деч ит коранде.

Святой Юмо, Святой Куатле, Святой Колыдымо, мемнам серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Пеш Святой Троице, мемнам серлаге; Господь Юмо, язык деч мемнам эрыкте; Ашныше Юмо, мемнан осалым ыштымынам кудалте; Святой Юмо, толын Шке лүмет верчын, черна деч мемнам паремде.

Юмо, серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Пылпомышто улшо мемнан Ачана! Тыйын лүмет мокталтше, Тыйын Кугыжанышет толжо, Тыйын эрыкет мланде үмбалнат Пылпомышысо гаяк лийже. Мемнан илышаш киндым, тачылыкым, мыланна пу; кудалте мемнан язык-шамычнам, весе-шамычын мыланна ыштыме языкыштым кудалтымына гаяк; языкышке мемнам ит пурто, осал дечын мемнам утаре.

Иерей: Тыйын вет Кугыжанышет, куатет, кугу чапет, Ачан, Эргын, Святой Шүлышын, кызытат, керек-кунамат, курым-курым мучкак. Аминь.

Пайрем кондак.*Кондак уке гын, але Кугу пүтө гын:*

Илышын Түнгалтышыжын Ыресыште кечымыжым ужын, разбойник тыге каласен: мемнан дене пырля ыресеш пудалыме тиде Ен капан лийше Юмо огыл ыле гын, кече шке волгыдыжым ок шылте ыле, мланде лүдын ок чытырне ыле. Чыла чытыше Господь, Шке Кугыжанышыштет мыйымат шарналте.

Тау Ачалан, Эргылан, Святой Шүлышлан.

Чын төрлышö Тыйын Ыресет кок разбойник коклаште улмаш: иктыже чот мыскылымыжлан верч тамыкыш логалын, а весыже язык деч эрнымашым да Юмым палымашым налше лийын. Христос Юмо, тау Тыланет.

Кызытат, керек-кунамат, курым-курым мучкак. Аминь.

Тыйым, Юмын Пачам да Күтучым да тўням Утарышым, ыресыште кечышым ужын, Тыйым Шочыктышо Ава шортын ойлен: Тыйын Ыресеш пудалалтметым ужын, уло тўня утаралтмашым налмыжлан куана, а Мыйын көргем йўла, Эргым да Мыйын Юмем, Тый вет чылашт верч чытет.

Юмо, серлаге. *(40 гана)*

Иже на всякое время

Чыла жапыште да чыла шагатыштат, пылпомышто да мланде үмбалнат кумалме да моктымо Христос Юмо! Тый вет кужун чытыше, чот чамамыше да шуко порылыкым пуышо улат, яндарын илыше-шамычым йөратет, языкан-шамычымат чаманет, ончыкыжым лийшашлык суапым сөрен, чыла калыкымат Шке декет утаралташ үжат. Господь, тиде шагатыште мемнан кумалмынам Тый Шке йөратен нал да мемнам үмырна мучко Шке пүрыметын корныштыжо коштыкто, чоннам яндареште, капнам эрыкте, шонымашнам виктаре, ушнам эрыкте да мемнам чыла түрлө ойго, шыде да чер деч утаре. Тыйын святой суксет-шамыч мемнам авырен шогышт, нунын аралымышт да туныктымышт дене чыланат ик вераште да ик шонымаште келшен илен, лишкат мяш лийдыме чапетым умылена ыле, Тый вет курым-курым мучкак моктымо улат. Аминь.

Юмо, серлаге. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Херувим-шамыч дечат утла пагалышашлык лийынат, Серафим-шамыч дечат танастарыдыме

чапле лийынат, Тыйым, чынак Эрге Юмым язык-деак шочыктышо Авам, кугу улат манын моктена.

Юмын лүмжө дене, ачай, порым каласе.

Иерей: Юмо, мемнам порылыкет дене левед, порым каласе, Шке чуриетым мемнан үмбак волгалтаре да мемнам серлаге. Аминь.

Кугу пүтö гын, святой Ефрем Сиринын молитваже:

Мыйын чонем Ашныше Юмо! Мыланем йогыланыме, ойганыме, чапле лияш тöчымö да күлдымашым ойлыштмо шүлышым ит пу. *(Сукен кумал)*

Шке айдеметлан, мыланем, яндарын илыме, үнгышö лийме, чытымаш да йöратымаш шүлышым пу. *(Сукен кумал)*

Эй Юмо, Кугу Кугыжа! Мыланем иза-шольошамычым осалыш лукде илышашым да шке языкем ужын моштышашым пу. Тый вет моктымо улат курым-курумеш. Аминь. *(Сукен кумал)*

Святитель Василий Великийын молитваже:

Кучен Ашныше Господь, мемнан Иисус Христос Юмына, Тый менан язык ыштымынам шуко чытет да кызытсе жап мартеат мемнам ашнет. Илышым пуышо ыресьште кечымет годым шонен моштышо разбойниклан райыш пураш

корным почынат, колымашет дене колымашым пытаренат. Тый мемнам, языкан да йордымө кулет-шамычым, эрыкте. Ме сулыкым ыштенна, закондымын иленна да, вуйнам нолталын, пыл-помышысо күкшытыш ончалашат она йөрө: вет Тыйын төр корнет гыч корангын, шке шүмнан йодмыж почеш коштынна. Ынде ме Тыйын висен керташ лийдыме порылыкетым сөрвалена: Господь, чот чаманымет дене мемнам серлаге да Шке святой лүмет верч мемнам утаре, вет илыме кечына-шамыч арам тыршымаш дене эртат. Ваштарешна шогышо тушманын кидше гыч мемнам утарен нал да языкнам кудалте, чон ден капын утыжден йодмыжым пытаре. Кучен Ашнышына да Порым Ыштышына, тунам ме, тошто айдеме улмо деч корангын, у егыш савырнена да Тыланет илена ыле. Тыйын шүдымет-шамыч почеш илен, курымаш ласкалыкыш шуына ыле, вет йывыртыше чыла егын илыме верже тушто. Мемнан Христос Юмына, Тыйым йоратыше-шамычлан Тый чын йывыртымаш да чын куан улат, да Тыланет, Түнгалтышдыме Тыйын Ачатлан да Эн Святой, Поро да Илышым пуышо Тыйын Шүлышетлан таум ыштена, кызытат, керек-кунамат, курым-курым мучкак. Аминь.

Тау Ачалан, Эргылан, Святой Шүлышлан,
кызытат, керек-кунамат, курым-курым мучкак.
Аминь.

Юмо, серлаге. *(3 гана)*

Порым каласе.

Священник отпущым каласа:

Христос, мемнан чын Юмына, Эн Яндар
Шке Аважын, преподобный да Юмым шке
кӧргыштышт нумалше ача да чыла святой-
влакын сӧрвалымышт дене мемнам серлага да
утара, вет Тудо поро да айдемым йӧратыше.
Аминь.

Святой Кугече шагат-влак

Волгыдо Кугече арняште эр да кас молитва-влак ол-меш лудалтеш

Мемнан святой ачанан кумалмышт верч, Господь Иисус Христос, мемнан Юмына, мемнам серлаге. Аминь.

Тропарь, 5-ше глас

Христос колымаш гыч ылыж кынелын, колымыш дене колымашым сенен да шўгарыште улшо-влаклан илышым пуэн.
(3 гана)

Христосын Ылыж Кынелмышым ужын, Иктылан, Языкдыме Святой Господь Иисуслан, кумалына. Христос Юмо, Тыйын Ыресетлан кумалына, Тыйын святой Ылыж Кынелметым моктен мурена: Тый мемнан Юмына улат, Тый дечет посна молым огына шинче. Тыйын лўмет дене лўмдалтын улына. Инаныше-шамыч, чылан толза, Христосын святой Ылыж Кынелмышлан кумалына: тебе ынде Ыресше дене чыла калыклан йывыртываш толын; керек-кунамат Юмым моктен, Христосын Ылыж Кынелмышым мурена: пудалымым чытен колымыш дене колымашын куатшым пытарен. *(3 гана)*

Эр ўжара деч ончыч Мария дене толшо да шўгар деч корандыме кўм мушо-влак Суксо деч колыныт: Курымеш Волгыдышто Илышым, айдемылан шотлен, молан колышо-влак коклаште кычалыда? Ончыза шўгарысе леведышым, кайыза да увертарыза тўнялан, кузе Господь колымашым сенен кынелын. Тудо айдеме тукымым утарыше Юмын Эрге улеш.

Христос Юмо, шўгарышке воленат гынат, Колыдымо улмет дене тамыкын вийжым сенгыше лийынат, ылыж кынелынат. Йывыртыза манын, миром кондышо ўдырамаш-шамычлан каласенат. Шке апостолет-шамычлан тынысым пўлекленат, языкеш йомшо-влаклан ылыж кынелшашлыкым пуэнат.

Шүгарыште – капан, а тамыкыште – чонан, вет Тудо Юмо, райыште разбойник дене, а престолышто Ача да Святой Шүлыш дене пырля лийше Христос, чыла ситарыше да каласен мошташ лийдыме.

Тау Ачалан, Эргылан, Святой Шүлышлан.

Илышым кондышо, рай дечат сылне, чынжымак кугыжан полат дечат волгыдын волгалтын, Христос, Тыйын шүгарет мемнан ылыж кынелшашын тўнгалтышыже.

Кызытат, керек-кунамат, курым-курым мучкак. Аминь.

Святитлыме Юмын Кўшыл илемже, куане, Юмын Шочмо Ава. Тыйын гоч куан пуалтеш, сандене манына: чыла ўдырамаш дечат утла Тый поро Пўрымашан улат, Эн Сулыкдымо Владычице.

Юмо, серлаге. *(40 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Херувим-шамыч дечат утла пагалышашлык лийынат, Серафим-шамыч дечат танастарыдыме чапле лийынат. Тыйым, чынак Эрге Юмым языкдеак шочыктышо Авам, кугу улат манын моктена.

Христос колымаш гыч ылыж кынелын, колымыж дене колымашым сенен да шүгарыште улшо-влаклан илышым пуэн. *(3 гана)*

Тау Ачалан, Эргылан, Святой Шүлышлан, кызытат, керек-кунамат, курым-курым мучкак. Аминь.

Юмо, серлаге. *(3 гана)* Поро сугыным пу.

Господь Иисус Христос, Юмын Эрге, Эн Яндар Тыйын Аватын, преподобный да Юмым шке көргыштышт нумалше мемнан ачанан да чыла святой-влакын кумалмышт дене мемнам серлаге. Аминь.

ВУЙЛЫМАШ

Кастене кугу кумалмаш.....	3
Эрдене кумалмаш.....	32
Икымше шагат.....	69
Кумшо шагат.....	81
Кудымшо шагат.....	93
Индешымше шагат.....	104
Святой Кугече шагат-влак.....	117

ЙУДВОШТ КУМАЛМАШ ДА ШАГАТ-ВЛАК

ВСЕНОЩНОЕ БДЕНИЕ И ЧАСЫ

На марийском (луговом) языке

Редактор иерей Чузаев Н.В.

Бумага офсетная. Тираж экз. Заказ № .
Отпечатано в типографии ООО «СТРИНГ»
РМЭ, г. Йошкар-Ола, ул. Строителей, 95.